

行  
水  
金  
鑑

八  
十  
五

八  
十  
一

ル 5

1174

8



九 5  
1174  
卷 8



行水金鑑

卷第八十一

中憲大夫分巡淮揚等處地方兼理漕務海防河道鹽課軍務江南提刑按察使司副使加士級傅澤洪錄

濟水

古文作沛然說文從水從中注云兗州之沛從水從齊注云出常山房子縣贊皇山則此當作沛但自來相傳不敢改易

導沅水東流為濟入于河

禹貢 釋文沅音充又以轉反

泉源為沅流去為濟

孔氏傳

地理志云濟水出河東垣縣王屋山東南至河內武

德縣入河見今濟水所出在温之西北七十餘里

孔氏疏

漢垣縣故城在今山西平陽府垣曲縣西四十里王屋山在今河南懷慶府濟源縣西北八十里濟源本漢軹縣屬河內郡隋改置濟源縣縣西有王屋故城後周所置本垣縣地元和志云王屋山在王屋縣北十五里元省縣入濟源故濟源有王屋山西南接垣曲縣界垣曲故垣縣也武德故城在今懷慶府武陟縣東黃河在縣南與開封府河陰縣分水温城故城在今懷慶府温縣西南

濟水出河東垣縣東王屋山為沅水

水經

山海經曰聯水出焉西北流注于泰澤郭景純云聯沅聲相近即沅水也潛行地下至共山南復出于東止今原城東北有東止城春秋說題辭曰濟齊也齊度也員也風俗通曰濟出常山房子縣贊皇山廟在東郡臨邑縣濟齊其度量也余按二濟同名所出不同鄉源亦別斯乃應氏之非矣今濟水重源出温城西北平地水有二源東源出原城城東北俗以濟水重源所發因復謂之濟源城其水南逕其城東故縣之原鄉杜預曰沅水縣西北有原城者也是南流與西源合西源出原城西東沅水注之水出西南東北

流注於濟濟水又東逕原城南東合北水亂流東南

注分為二水一水東南流俗謂之衍水即沅水也濟

水又東南逕緝注說作稀城北而出於温矣其一水枝津

南流注于湔音賜水出原城西北原山勳掌谷俗謂之

白澗水南逕原城西春秋會于湔梁謂是水之墳梁

也爾雅曰梁莫大于湔梁梁水堤也湔水又東南逕

陽城東與南源合又東合北水亂流東南左會濟水

枝渠又東逕鍾繇隰北又東南塗溝水注之又東北

逕汲縣故城北又東南流天漿水澗水注之又東南

流右會同水又南注於河也酈注共山在濟源縣北十二里原

志云沅水出王屋山頂崖下石泉潭而不流其深不測既見而伏至濟源縣西北二里平地其源重發而東南流按故原城在濟源縣西北二里今濟瀆廟西

龍潭東北有其遺址漢志常山房子縣贊皇山右濟水所出東至慶陶入泚元和志趙州贊皇縣濟水源出贊皇山西北流去縣南十里此別是一濟水應勿以為四瀆誤也元和志濟水在濟源縣東北三里有二源其深莫測西源周圍六百八十五步深一丈皆繚以周牆李濂遊濟瀆記云濟瀆廟後有池是為東池即東源周僅百餘步池西有石橋橋西為西池周如東池舊記濟水出王屋山頂太乙池伏流地中東行九十里復見于此其太乙池今亦涸矣劉潛西源辨曰濟水二源舊志唯以廟垣石橋為界按水經注二源一在原城東北一在原城西南為地殊遠不可以一橋之界遂分東西而謂二源俱在是也意此為池之東源信矣池西二里又有一源舊稱為龍潭時出時沒不關水旱下流經濟廟南會池水於東北當為濟之西源無疑也絺城在今河內縣西南元和志濟水經河內縣西南去縣三十里

又東至温縣西北為濟水又東過其縣北

水經

濟水於温城西北與故瀆分南逕温縣故城西歷虢公臺西皇覽曰温城南有虢公臺基趾尚存濟水南流注于河濟水故瀆于温城西北東南出逕温城北又東逕號公冢北皇覽曰號公冢温縣郭東濟水南

大冢是也濟水當在王莽之世川瀆枯竭其後水流

逕通津渠勢改尋梁脉水不與昔同

鄭注

屈從縣東南流過墳城西又南當鞏縣北南入于河

水經墳

城在今温縣東黃河在温縣南與河南府鞏縣分水鞏縣故城在今縣西南三十里

按濟水故瀆即漢志所謂東南至武德入河者蓋禹迹也河水注云成臯大伾山在河內修武武德之界濟沈之水與滎播澤出入自此即經所謂濟水從北來注之者今濟水自温縣入河不於此也所入者奉溝水耳即濟沈之故瀆矣

沁水篇云沁水東過武德縣南積為陂有朱溝水注之其水上承沁水于沁水

縣西北自方口東南流奉溝水右出焉又東南流右泄為沙溝水又東逕隰城北殷城西而東南流入于陂陂水又東南流入河先儒亦咸謂是溝為沛渠故班固及闕駟並言沛水至武德入河按沙溝即奉溝之下流古濟水由此入河故謂之沛渠沙溝當在今武陟縣界也正與此相發

明濟水於武德入河南直成臯今汜水河陰之界是也其後由温縣入河則南直鞏縣所謂津渠勢改不與昔同者也今其故道又盡陷河中濟水唯從枝津之合湏水者至孟縣東南入河見懷慶府志南直孟津縣其流益短矣由大禹而來濟水入河之道凡再變禹貢

溢為滎

禹貢

滎澤名鄭云今塞為平地滎陽民猶謂其處為滎澤在其縣南孔氏疏今河南開封府滎澤縣本漢滎陽縣地隋分置澤在其縣南其故城在今縣北五里

孔氏截河之說程氏河溢之說皆非是惟蔡氏說當就以經證之溢與出字皆特見之例惟其自中而滿故不如荷澤被孟豬之被而有溢之名惟其由伏而

見故不如他水下流之至而有出之名一也又王屋之下既見而伏濟源之西平地復見在河北既爾何獨溢出於河南而不然二也又濟河兗州至爾雅猶有濟南曰兗州之稱至呂氏春秋猶有濟河間曰兗州之稱使其下流至兗者非沈濟自來之濟則歷代相傳豈其以無源之水名兗疆域三要之大河之逕其初與濟伏地之泉兩不相礙自濟源至温入河者固並河東下其伏地潛而復見湧溢於滎再出於荷者脉絡未嘗不與沈相通王天與尚書纂傳溢者言如井泉自中而滿非有來處如荷澤被孟豬之被吳澄書纂言

傳云濟水入河並流數十里而南截河又並流數里  
溢為滎澤在敖倉東南正義云此皆目驗所說也濟  
水既入於河與河相亂而知截河過者以河濁濟清  
故可知也渭按成臯有大伾山在今開封府鄭州汜  
水縣西一里水經注云晉地道志曰濟自大伾入河  
與河水鬪南洑為滎澤又云大伾在河內修武武德  
之界濟沉之水與滎播澤出入自此山東至河陰縣  
四十一里又東至滎澤縣西北之敖倉十餘里通計  
得五十餘里故傳約言之曰河濟並流數十里又數  
里溢為滎澤在敖倉東南也然傳言濟與河並流始  
在北繼截河而南則似兩人同行街北一人忽截街

而南別與人同行數里乃獨抵所欲詣處人之行路  
固有然者水則安能且河大而濟小濟既入河河挾  
以俱東濟性雖勁疾恐亦不能于大河之中曲折自  
如若此也滎陽石門水首受河處水經直謂之濟水  
京相璠名為出河之濟酈道元云濟水分河東南流  
皆不以清濁為言謂濟與河亂南出還清自潁達始  
後之好事者從而附會言曾有人伏水底見渾河中  
清流一道直貫之者乃濟也世遂有濁河清濟之圖  
二水劃然王充論衡曰俗語不實成為丹青丹青之  
言聖人惑焉其是之謂矣林少穎云濟清而河濁濟  
少而河多以清之少者會濁之多者不數步間則清

者皆已化而為濁矣既合流數十里安能自別其清者以溢為滎乎林氏此言能窮物理而不為俗語所惑者也東坡謂禹以味別知滎之為濟說本許敬宗亦非蔡傳云溢者指滎而言非指河也且河濁而滎清則滎之水非河之溢明矣况經所書單立導沈條例若斷若續而實有源流或見或伏而脈絡可考先儒皆以濟水性下勁疾故能入河穴地流注顯伏此說似勝于孔然沈水至泰澤渟而不流故知其穴地而入此地上之事有目者所共見若河中之事誰則知之豈真有伏水底者見清流一道穴地而入出而言之邪影響之談殆難據信矣 泰澤之水有上源

與鹽澤相似但至此渟而不流人識其為潛行地下耳滎澤則異于是其水似井泉自中而滿不可指一路為源故吳幼清云無來處也東阿之井沈存中以為濟水澤雖大其亦此類與

沈存中夢溪筆談云古說濟水伏流地中今歷下凡發地下皆是流水東

阿亦濟水所經取井水煮膠謂之阿膠其性趣下清而且重用攪濁水則清故以治淤濁及逆上之痰也

禹時之滎澤渟而不

流後人導為滎川此說創自曾彥和而余深信其然者蓋使滎澤陶止之間禹時果一水相通則滎瀆距河陸路無幾貢道之浮濟者必書曰逾于河矣而經不然則以陶止滎澤相去可五百里陸路艱難故必由漯以達河耳自說者謂河濟本相通陶止之濟亦非復出舟航可以直達而漯遂獨為兗州北境之所

浮於青徐揚無涉矣以此言貢道頗覺直捷而不知其有礙於導沈之經者大也程泰之云言經者不可執一得其一隅而三隅對求皆無所礙乃為通耳此窮經之要訣學者所當知也說文榮絕小水也余未識其義以問百詩百詩曰爾雅正絕流曰亂邢昺疏云正直也孫炎所謂橫渡是也以濟水截河南過為榮故以絕字解榮至小水二字則有唐高宗許敬宗問答在高宗曰天下洪流巨谷不載祀典濟甚細而在四瀆何哉敬宗曰瀆之言獨也不因餘水獨能赴海者也濟潛流屢絕狀雖微細獨而尊也此可以為其注脚矣百詩此解不減徐楚金繫傳然濟絕河

為榮自是漢儒訓詁禹之所以名水恐未必爾也禹貢

錐指

濟水

當鞏縣北入河

與河合流又東過成臯縣北又東過滎陽縣

北

水經成臯即春秋之虎牢漢置縣屬河南郡今為汜水縣滎隄本韓滎陽邑漢為縣屬河南郡今滎澤河陰二縣皆其地此二句猶合河濟而言之即

孔傳所言濟水入河並流數十里而南截河又並流數里溢為滎澤者也自此已下專言濟水

又東至北礫磧南東出過滎陽北

水經

濟水分河東南流漢明帝世王景所修故瀆也渠流東注浚儀故復謂之浚儀渠漢靈帝建寧四年于敖城西北壘石為門以過渠口謂之石門故世亦謂之石門水門廣十餘丈西去河三里水南帶三山一作三皇山即皇室山亦謂之為三室山也酈注北礫磧蓋在河南濟北其水西注于河者石門即賈讓



所謂滎陽漕渠也其水門但用木與土至是始壘石為之

又東逕西廣武城北水經

郡國志滎陽縣有廣武城城在山上漢所城也高祖與項羽臨絕澗對語責羽十罪羽射漢祖中胸處也山下有水北流入濟世謂之柳泉也鄭注

又東逕東廣武城北水經

楚項羽城之漢破曹咎羽還廣武為高祖置太公其上曰漢不下吾烹之高祖不聽將害之項伯曰為天下者不顧家但益怨爾羽從之今名其壇曰項羽堆夾城之間有絕澗斷山謂之廣武澗項羽叱婁煩於其上婁煩精魄喪歸矣鄭注 廣武城在三室山上亦謂之廣武山在今滎澤縣西二十里接河陰縣界劉

昭云山有二城曰東廣武西廣武各在山一頭相去二百餘步

又東逕敖山北水經

山上有城即殷帝仲丁之所遷也帝王世紀曰仲丁自亳徙囂于河上者也或曰敖矣秦置倉于其中故亦曰敖倉城鄭注 敖山在今河陰縣西北二十里括地志云敖倉在今縣在隋縣南五里則敖城東南去今縣當二十里也

又東合滎瀆水經

瀆水首受河水有石門謂之為滎口石門也而地形殊卑蓋故滎播書作滎波所道自此始也門南際河有故碑云惟陽嘉三年二月丁丑使河堤謁者王誨疏達河川迷荒庶土云大河衝塞侵齧金堤以竹籠石葦葦

川迷荒庶土云大河衝塞侵齧金堤以竹籠石葦葦

土而為過壞隕無已功消億萬請以濱河郡徒疏山  
采石壘以為鄣功業既就徭役用息詔書許誨立功  
府鄉規基經始詔榮疑作策加命遷在沅州乃簡朱軒授  
使司馬登令纘茂前緒稱遂休功登以伊洛合注大  
河南則緣山東過大伾回流北岸其勢鬱懔濤怒湍  
急激疾一有決溢彌原淹野蟻孔之變害起不測蓋  
自姬氏之所常蹙昔崇鮪所不能治我二宗之所劬  
勞于是乃跋涉躬親經之營之比率百姓議之于臣  
伐石三谷水匠致治立激岸側以捍鴻波隨時慶賜  
說以勸之川無滯越水土通演役未踰年而功程有  
畢斯乃元勳之嘉課上德之弘表也昔禹修九道書

錄其功后稷躬稼詩列于雅夫不憚勞謙之勤夙興  
厥職克國惠民安得湮沒而不章焉故遂刊石記功  
垂示於後其辭云云使河堤謁者山陽東昏司馬登  
字伯志代東萊典城王誨字孟堅河內太守守城向  
豺字伯尹丞汝南鄧方字德山懷令劉丞字季意河  
堤掾匠等造陳留浚儀邊韶字孝先頌石銘歲遠字  
多淪缺其所滅蓋闕如也

鄭注 讀本作澤誤玉海引此作榮瀆  
與鄭注合今從之按蘇代曰決榮口魏

無大梁即此處也首受河水以上承河陰石門水而言然昔人導澤水以為川  
從北門而出故謂之榮口石門河陰石門漢建寧四年立在敖城西北榮口石  
門漢陽嘉三年立在敖山東時地各別近志混而為一大謬兩石門相去數  
十里榮瀆前已有之榮陽下引河其所溝通者裁數十里為功亦甚易也

又東逕滎陽縣北

水經 宋白續通典云滎陽故城在滎澤縣南十七里  
今滎澤縣北五里有滎澤故城明洪武八年為河水所  
圮移今治是滎陽故城  
東北去今治止十二里

又東句南礫磳水注之水經

水出滎陽城西南李澤澤中有水即古馮池也東北流歷敖山南又東北逕滎陽縣北斷山東北注于濟世謂之礫石澗即經所謂礫谿矣鄭注 經所謂礫谿可知上有北礫谿故此為南礫谿

又東索水注之水經

水出京縣西南嵩渚山與東關分水即古旃水也索水又東流北屈西轉北逕滎陽城東而北流注濟水濟水又東逕滎陽澤北故滎水所都也京相璠曰滎澤在滎陽縣東南與濟隧合濟隧上承河水於卷縣北河南逕卷縣故城東又南逕衡雍城西與出河之濟濟水伏流自河而出故謂之出河之濟會南去新鄭百里斯蓋滎播河濟

往復逕通矣出河之濟即陰溝之上源也濟隧絕焉又南會于滎澤有垂隴城濟瀆出其北春秋文公三年晉士穀盟于垂隴者也京相璠曰垂隴鄭地今滎陽東二十里有故隴城濟水又東南逕釐城東春秋經書公會鄭伯于時來左傳所謂釐也京相璠曰今滎陽縣東四十里有故釐城濟水又合黃水水發源京縣黃淮山世謂之京水又東北與靖水枝津合二水之合為黃泉北流注于濟水鄭注 京縣今為滎陽縣嵩渚山在滎陽縣東南二十五里卷縣故城在今原武縣西北七里衡雍城在原武縣西北五里濟水又東分為二水其枝瀆曰北濟詳見後

又東過陽武縣北水經

歷長城東南流蕩蕩渠出焉鄭注

又東北逕陽武縣故城南又東逕封丘縣南

水經

又東逕大梁城北東左逕倉垣城又東逕小黄縣之

故城北

鄴注 今祥符縣西北有浚儀故城即大梁城也倉垣城在今陳留縣西一名石倉城小黄縣故城在今陳留縣東北三十里

又東逕東昏縣故城北

水經

陽武縣之戶牖鄉矣漢丞相陳平家焉是後置東昏

縣也

鄴注 今蘭陽縣東北二十里有東昏縣故城

又東逕濟陽縣故城南

水經

故武父城也城在濟水之陽故名

鄴注 今蘭陽縣東五里有濟陽縣故城

又東過寃胸縣南

水經 今曹州西南有寃胸故城至此謂之南濟寃濟水之經流也

古濟水自入河以至溢滎用後世郡縣言之則其入

河在温温與鞏對而溢滎之地決不在鞏與成臯也

蓋鞏有洛成臯有汜二水皆反來注河以其地皆特高故也然則滎濟何由溢注其地矣水經所載自成臯汜水之下已有濟派名為出河之濟不惟其理不然以古人名縣之義考之此處正屬成臯未屬滎陽則知滎在下方而水經所敘明誤矣漢之石門隋之板渚唐之河陰汴口等處皆在古滎陽地則古滎所注今雖不能明指何地要之不出此五六十里上下也孔安國曰濟水入河並流十數里而南截河又並流數里溢為滎澤在敖倉東南其說固是計考其入自北而溢于南中間當不止數十里也 若據水經所載濟派則滎陽縣反在濟水之南揆之古義水北

為陽者既已不合而又水經所載明有故滎枯澤顧  
桑酈不知參核以證世傳成臯濟派之誤爾滎陽有  
新故兩城而水經故澤皆在二邑東南古來西北同  
為水陽此澤地望既應古義又孔安國亦言澤在敖  
倉東南可參證也敖倉者古敖山也正與滎陽同在  
古澤西北則其澤應古益真矣後世穴河通漕多在  
此地然歷考前載皆有渠道無陂澤蓋創渠之初率  
皆預酌用水多寡為鑿隧受河之則故水不暴而無  
所蓄食鍾聚也禹時則有異矣濟既灌河河盈而水  
溢通在滎地怒濤注射為此大澤故其幅員闊大不  
止才足容水而已也此其滎溢為澤之因也憑此而

言不獨可以知澤之為澤且可以知禹之名滎以濟  
者正以會其適然而非自出意義也澤之下方不遠  
一二十里又有故陂而以邾城為名者其東西蓋四  
十里而南北亦二十里也臣觀之濟之溢河其在  
沙城垂隴之西者固為大澤而釐城黃水之間其謂  
為邾城陂者亦滎澤也王隱謂此澤此陂之間有濟  
隄焉其經之所書謂為滎波既瀦者乎古迹患無其  
傳苟有記焉其方鄉地望千百世可知也

程大昌禹貢山  
川地理圖說

程氏此辨最有考據其刪潤水經注自謂摭括條理然滄桑變易總非目擊有  
難以臆度其是非者姑載其說以備考曰濟水又東逕滎陽澤北又東會於滎  
澤京相璠曰滎澤在滎陽滎縣東南下與濟隧合滎澤者禹時濟溢為滎水所  
注射瀦為此澤也春秋衛侯及翟人戰于滎澤此時澤枯無水至可以戰民猶  
謂其處為滎澤也濟隧鄭地也上承河水於卷縣北春秋襄公十一年諸侯伐  
鄭西濟于濟隧杜預因其地而名之水也成臯之濟逕故滎澤中已有此流至

垣雍西與出河之濟會南去新鄭百里斯溢榮播河濟回互相通也出河之濟即陰溝上源也濟隧至此絕溝而過世亦謂其故道為十字溝也自于岑造八激堤於河陰水脉逕斷故濟難尋濟瀆雖有其迹不復受河濟瀆出垂隴城北春秋文公三年晉士穀盟于垂隴即此也京相璠曰垂隴鄭地今榮陽東二十里有故隴城是也世謂之都尉城蓋榮陽典農都尉治故變垂隴之名矣澤濟又有沙城濟瀆出其左濟水自澤東出即是始矣竹書紀年曰惠王十三年王及鄭釐侯盟于巫沙以釋宅陽之圍歸釐於鄭者也瀆濟故城俗言水城非矣王隱曰河決為榮濟水受焉故有濟隄矣濟水又東南逕釐城東春秋經書公會鄭伯于時來左傳所謂釐也京相璠曰今榮陽縣東四十里有故釐城也濟水又合黃水黃水發源京縣黃堆上東南流世謂之京水也北流逕高陽亭又東北至榮澤南分為二水一水北入榮澤下為船塘俗謂之郊城陂東西四十里南北二十里竹書穆天子傳曰甲寅天子浮於榮水乃奏廣樂是也一水東北流即黃雀溝矣又東北與清水枝津合二水之會為黃泉東北流注於濟水又東過陽武縣北濟水又東南流入陽武縣係長城東西流浪蕩渠出焉

榮澤至周時已導為川與陶止復出之濟相接然河濟猶未通波及周之衰有於榮陽下引河東南為鴻溝與濟汝淮泗會者而河始與濟亂鴻溝首受河處

一名浪蕩渠 水經河水合汜水又東過榮陽縣浪蕩渠出焉 亦名汴渠 後漢明帝紀修汴渠注云即浪蕩渠

也汴自榮陽首受河所謂石門在榮陽山北一里是也

又名通濟渠

元和志汴渠在河陰縣南二百步亦名浪蕩渠大業元年更開

導名通

即今河陰縣西二十里之石門渠也

河陰縣在今鄭州西北五十里

漢榮陽縣地隋為汜水榮澤二縣地唐開元中析置河陰縣

水經直謂之濟水

漢志榮陽縣有浪蕩渠首受汴水經

本此汴即京相璠所謂出河之濟也

自榮口石門至宛胸縣南皆禹後代人

所導職方豫州之川水經謂之榮瀆而河濟合焉者也過此則為陶止復出之濟矣以今輿地言之榮澤

原武陽武封止祥符陳留蘭陽

並屬河南開封府

曹州 屬山東兗州府 諸

州縣界中皆榮瀆之所經也自鴻溝既開榮瀆為河

水所亂已非其舊逮東漢之世榮澤亦塞而禹迹蕩

然無存矣 榮瀆非榮澤也鄭康成云榮澤在榮陽

縣東杜預同京相璠云在縣東南榮澤縣志云在縣

南其說不同按今縣西南十二里有滎陽故城漢縣也昔時澤在滎陽縣東今則在滎澤縣南矣鄭杜說是滎澤西北距滎口二十餘里其間必有水道相通而志家不詳予按水經注黃水自京縣東北流入滎澤下爲船塘俗謂郟城陂東西四十里南北二十里穆天子傳曰浮於滎水乃秦廣樂是也北流注于濟水此皆昔人導澤爲川之路澤水從此北出而爲滎瀆故謂之滎口濟水自敖山又東不得便合滎澤以是知經之澤字當作瀆也河與滎瀆相亂其來已久而滎澤在西漢時依然無恙故班固云濟水軼出滎陽北地中謂滎澤也至東漢乃塞爲平地不知何

故酈道元云昔大禹塞其淫水而于滎陽下引河東南以通淮泗又云大禹塞滎澤開菴蕩渠以通淮泗夫滎澤何以謂之淫水經曰滎波旣豬禹方陂之以蓄其水何以塞之誕妄不足深辯或云王莽時濟竭而不復出故滎澤遂塞斯言亦大可疑按司馬彪郡國志河內温下云濟水出王莽時大旱遂枯絕河南滎陽下云有鴻溝水而不言滎澤豈以其時已塞爲平地乎濟枯之語繫之温縣蓋專謂北源故酈注于温縣濟水故瀆下言之然北源東漢復出水經歷歷可考彪何以直言枯絕而滎澤無文則又似專指南源此後人所以移其說于滎陽也程大昌云世惡莽

居下流故河徙濟枯皆歸于莽余謂河徙事見王莽傳無可疑者濟枯亦理之所有但濟水因旱而枯旱止則當復舊夏季伊洛竭商季河竭周幽王時三川竭諸水不聞自此遂絕也濟何獨一枯而不復出且南北二源同此一濟北源復出南源何以終絕殊不可曉積思久之竟不知滎澤之塞為何故頃讀後漢書而得之王景傳云平帝之世河汴決壞未及得修汴渠東侵日月侵毀建武十年陽武令張汜上言河決積久日月侵毀濟渠所漂數十許縣明帝紀永平十三年詔亦言自汴渠決敗六十餘歲加頃年以來雨水不時汴渠東侵日月益甚水門故處皆在河中

滎澤廣溢莫測圻岸當時汴濟之區河災之羨溢為害如此濟渠即滎瀆南去滎澤不過二十餘里則固在所漂數十縣之中者也河水氾濫必至其處歷六十年而後已填淤之久空竇盡窒地中伏流不能上涌滎澤之塞實由於此豈因旱乾而遂塞哉余闕曰河天下之濁水也水一石率泥數斗嘗道出梁宋觀決河凡水之所被比其去即穹居大木盡沒地中漫不見踪跡然則河侵滎澤去後安得不塞為平地鉅野縣志云元末河決入鉅野及徙後澤遂涸為平陸其明徵也彪得之傳聞不暇深考故言之不詳世遂附會以為滎澤陸塞之故殊非事實余不可以無辯



自滎陽引河後遞加疏導枝津交絡名稱互見使人目眩心搖今綜其大畧以蕩蕩渠為主水經注云渠水自河與濟亂流東逕滎澤北東南分濟歷中牟縣之圃田澤與陽武分水又東為官渡水又東至浚儀縣左則故渠出焉秦始皇二十二年王賁斷故渠引水東南出以灌大梁謂之梁溝世遂目故渠曰陰溝而以梁溝為蕩蕩渠陰溝東南至大梁城合蕩蕩渠其東導者為汲水

漢志作卞水說文作汲後人惡反字因改為汴都云濟水又兼邲曰春秋宣公十二年晉楚戰于邲即是水也音卞京相璠曰在教北

至蒙縣為獲水又東至彭城縣入泗蕩蕩渠自大梁城南南流為鴻溝項羽與漢約中分天下指是以為東西之別故蘇秦說魏曰大王之地南

有鴻溝是也鴻溝又兼沙水之目沙水東南流至新陽縣為百尺溝注于潁水

漢汝南郡有新陽縣當在今陳州界

此即班固所謂狼蕩渠首受沛東南至陳入潁者也其一水自百尺溝分出東南流至義城縣西而南注淮

義城今懷遠

謂之沙汭左傳昭二十七年楚子常以舟師及沙汭而還即此也沙水所出又有睢水渦水

渦與睢同

睢水自陳留縣首受東南流至下相縣入泗

下相今宿遷

渦水自扶溝縣首受東南流至義城縣南而東注淮以上諸渠同源於出河之濟

即石門水

故言鴻溝者則指此為鴻溝言蕩蕩渠者指此為蕩蕩言汴水者指此為汴水言浚儀渠者指此為浚儀渠皆以下流之目追被上源也此外有

濟隧上承河水于卷縣北河南流與出河之濟會自于岑造八激堤而其流遂斷

禹貢錐指

卷第八十一

*[Faint bleed-through text from the reverse side of the page]*

行水金鑑

卷第八十二

濟水

東出于陶止北又東至于荷禹貢

再成為陶止李巡曰再成其形再重也郭璞云今濟

陰定陶城中有陶止地理志云定陶縣西南有陶止

亭孔氏疏 今山東兗州府定陶縣西南有定陶故城

出者言在平地自下面而涌非有上流如某水至某

處之至書纂言

荷即荷澤謂之至者濟陰縣自有荷派濟流至其地

爾陳襟書集傳纂疏 地理志濟陰郡下云禹貢荷澤在定陶東唐省定陶入濟陰故通典濟陰縣下云荷澤在縣東北九十里

溢者無上源亦無下流頗與阿井相似出者源在地

中流在地上如趵突泉之流而為樂水濟自此不更  
伏矣禹貢錐指

濟水又東過定陶縣南又東北荷水東出焉又東逕秦  
相魏冉冢南又東北逕定陶恭王陵南水經

冉秦宣太后弟也定陶恭王漢哀帝父也鄭注 日知錄  
云今曹縣有冉  
冢為秦相穰侯魏冉之冢  
史記穰侯卒于陶因葬焉

又東北逕定陶縣故城南水經

周武王封弟叔振鐸之邑也故曹國漢宣帝甘露二  
年更濟陰為定陶國戰國之世范蠡既雪會稽之耻  
乃變姓名寓之於陶為朱公以陶天下之中諸侯四  
通貨物之所交易也治產致千金富行好德子孫修

業遂致巨萬故言富者皆曰陶朱公也鄭注

又屈從縣東北流水經

又東逕陶止北墨子以為釜止竹書紀年魏襄王十  
九年薛侯來會王于釜止者也尚書所謂導河水自

陶止北謂此也鄭注 漢志陶止在定陶縣西南則濟水當先逕陶止  
而後至故城此經不合恐是錯簡又東北逕定陶縣故

城南十字當在  
引竹書語之下

按自滎口至陶止皆後世滎瀆之所經非禹迹也今  
曹州定陶界中並有濟水故道禹時則濟水伏流涌  
自陶止之北而東注于荷澤無上源也陶止漢志云  
在定陶縣西南而郭璞言在城中蓋其時郡徙西南  
包陶止而為城耳今縣則又徙於東北故陶止與漢

水經卷之二十一  
城皆在西南也 荷澤在陶止之東北相去不遠濟水伏流至陶止北上奮馳波跳沫東北匯于荷澤又東北絕鉅野至琅槐入海者為濟瀆其一枝東南流至湖陵入泗者後人目之曰荷水漢志湖陵縣下云荷水在南者是湖陵今為魚臺縣地也許慎云荷澤水在湖陵謂澤之下流入泗者亦未為誤自孔傳襲其文曰荷澤在湖陵而遺一水字則在湖陵者為澤矣釋此至于荷又增一水字曰荷澤之水則定陶之荷澤與湖陵之荷水無別矣酈道元時孔傳已盛行故宗其說言尚書有導荷澤之說自陶止北東至於荷水又以湖陵入泗為澤水所鍾而不知此特荷澤

之下流其所鍾則在定陶也且豫州導荷澤被孟豬乃導澤水之餘波南入于孟豬非謂東南至湖陵入泗之荷水酈乃混而為一種種紕繆皆為孔傳所誤說禹貢者當以漢志為正經文三荷字皆以澤言在定陶與湖陵無涉也 荷之為澤也濟貫其中大半是濟水所匯酈注云即沛水之所包注以成湖澤是也然亦必有旁源酈注云濟水自定陶故城南又東北右合荷水水上承濟水於濟陽縣東世謂之五丈溝又東北出定陶縣北屈左合汜水汜水西分濟瀆東北逕濟陰郡南又東合于荷又東北逕定陶縣南又東北右合黃水枝渠而北注濟瀆是汜水與五丈

溝之會于澤者亦皆濟水之分流也寰宇記云河水亦名南濟水近志以北清河為北濟南清河為南濟誤由于此俗謂之五丈河西自考城縣界來程大昌曰樂史寰宇書云濟陰有山是為荷山河水西自考城來考城在濟陰西濟之正流未嘗經考城可見河水自為一派而濟來會之甚明也水經以此水為五丈溝即近世命為五丈河者此正河水首末也渭按曹州志荷山在州東南三十里以近荷澤而言蓋澤本名荷後人因澤以名其山也說者謂河水出荷山非是據酈注河水分濟于定陶東北此即經所謂濟水東至乘氏縣西分為二南為河水北為濟瀆者也乘氏故城在今鉅野縣西南漢

置然曹州之東境亦兼得乘氏地州東南與定陶接界荷澤在焉注所謂定陶東北即經所謂乘氏縣西也但不言荷澤為疎漏耳河水只自荷澤分流酈以濟陽所出之五丈溝為河水蓋雜採它說而有此繆元和志因目魚臺之河水曰五丈溝而程氏據以為河水之首末正當如此皆非地志水經之河水起乘氏訖湖陵之本意也濟水有三伏三見之說或謂出于近世之俗學殊不可信王綱振云如時以東流為濟溢為滎為見則濊東流為漢滙為彭蠡亦可為見乎又若以入于河為伏則渭入于河洛入于河亦可為伏乎况經明言浮于濟潔達于河河濟本通而

此曰流曰溢曰入曰出曰至曰會亦並無間斷不知  
三伏三見何據但沿襲既久為之曲解非本注也渭  
按伏見之說二孔無之然有所自來泰澤一伏東丘  
一見本水經注武德入河再伏滎陽軼出再見本地  
理志滎東又洑為三伏出曹濮間為三見本唐書許  
敬宗傳此豈創自近世但以入河為伏羲有未安耳  
滎澤自周以前已導為滎川與陶止復出之濟相接  
故漢志於軼出滎陽地中下即繼之曰又東至琅槐  
入海而定陶縣下亦止云禹貢陶止在西南不引東  
出之文蓋三見之迹不可得見久矣鴻溝既開滎瀆  
為濁河所亂陶止之竇日就填淤而滎澤之澄泓如

故其後滎澤亦塞則河南由是無濟水而再見之迹  
亦亡水經以河濟合流分入滎瀆者為濟水京相璠  
謂之出河之濟酈道元宗之而班固之所謂軼出地  
中者絕口不談矣孔安國以為河中截流而過蔡沈  
以為河底穴地而來孔穎達以為河濟相亂南出還  
清程大昌以為適會河滿溢出南岸各持所見終非  
定論余竊謂河南之濟即奮自河南之地中未必與  
入河之濟為一脈譬如人之鼻息總出丹田氣海中  
呼者豈必其吸者之復出邪沈括云歷下凡發地皆  
是流水世傳濟水經過其下東阿之井乃濟水所為  
曾鞏云泰山諸谷之水自渴馬崖潛流地中至歷城

西復出為趵突旁溢十數泉蔡傳引以證濟之伏見  
重源顯發所在多有元和志云鄭州管城縣京水出  
縣南平地新鄭縣溱水出縣西北三十里平地二處  
並在河南密邇滎澤尤為明驗蓋濟瀆所經之地其  
下皆有伏流遇空竇即便涌出故一見於滎澤再見  
于陶止不必以入河之濟為上源亦不必并泰澤東  
止數之為三伏三見也草廬之說雖聖人復作無以  
易之矣禹貢錐指

又東北會于汶禹貢

濟與汶合孔氏傳

地理志云汶水出泰山萊蕪縣原山西南入濟孔氏疏

水經汶

水出太山萊蕪縣原山西南過贏縣南又東南流過奉高縣北屈從縣西南流過博縣西北又西南過地止縣南又西南過岡縣北又西南過平章縣南又西南過無鹽縣南又西南過壽張縣北又西南至安民亭入于濟

濟水

自定陶縣東北

又東至乘氏縣西分為二

水經

春秋左傳僖三十一年分曹地東傳于濟濟水自是

東北流出巨澤

鄭注

南為潁水北為濟瀆

水經

其一水東南流其一水從縣東北流入鉅野澤

鄭注北濟自

滎澤東逕卷縣之武修亭又東逕陽武縣故城北又東逕酸棗縣之烏巢澤北又東逕平丘縣南又東逕濟陽縣故城北

又東北逕宛胸縣故城北

水經

又東北逕呂都縣故城南又東北逕定陶縣故城北

鄭注

又東北與濮水會水經  
濮水上承濟水于封丘縣關駟曰首受別濟即北濟也其故瀆自東北流左迤為高粱陂濮水又東逕匡城北孔子去衛適陳遇難於匡者也又東北左會別濮水受河於酸棗縣故杜預曰濮水出酸棗縣首受河竹書紀年曰魏襄王十年十月大霖雨疾風河水溢酸棗郭漢世塞之故班固曰大堙酸棗也今無水其故瀆東北逕南北二棣城間酸棗以棘名邦故曰酸棗也漢官儀曰舊河隄謁者居之濮水又東與句瀆首受濮水枝渠於句陽縣東南逕句陽縣故城南春秋之穀上也左傳以為句瀆之止矣又東入乘氏

縣左會濮水與濟同入鉅野故地理志曰濮水自濮陽南入鉅野亦經所謂濟水自乘氏縣南分東北入於鉅野也酈注

濟水故瀆又北右合洪水水經

上承鉅野薛訓渚歷澤西北渚又北逕關鄉城西又北濟瀆合自渚迄于北口一百二十里名曰洪水桓温以太和四年率衆北入掘渠通濟至義熙十三年劉武帝西入長安又廣其功自洪口已上又謂之桓公瀆濟自是北注也酈注

又東北過壽張縣西界安民亭南汶水從東北來注之

水經



濟水又北汶水注之戴延之所謂清口也郭緣生述  
征記曰清河首受洪水北流濟或謂清則濟也禹貢  
濟東北會于汶今枯渠注巨澤巨澤北則清水清水  
與汶會也鄭注今東平州西南有壽張故城西北去今壽張縣五十里  
州西南十里有安山鎮即古安民亭齊乘云東平城西即安山  
開闢下泥河口有亭子店  
即安民亭遺址濟汶合處  
濟水自荷澤東北流絕鉅野澤而北合洪水以至安  
民亭南者禹之舊迹也其後不知何年改從澤西之  
清水而繞澤北以會汶謂之清口其澤中之道自洪  
口至清口者則無水故水經謂之故瀆述征記謂之  
枯渠漢元光中河決瓠子東南注于  
鉅野濟水改道疑當在此時今會通河逕鉅野縣東北  
七十里去故城已遠并清水會汶之故道亦湮沒而

不可考况禹之舊迹乎以今輿地言之汶水自萊  
蕪歷泰安肥城寧陽至東平入濟合流以注于海此  
禹迹也迨元人引汶絕濟為會通河明永樂中又築  
戴村壩遏汶水盡出南旺以資運而安山入濟之故  
道填淤久矣禹貢錐指

又北東入于海禹貢

北折而東孔氏傳

濟水自壽張縣  
西合汶水又北逕梁山東袁宏北征賦曰背梁山

截汶波即此處也鄭注括地志梁山在鄆州壽張縣南二十五里今  
在東平州西南五十里接汶上縣界梁山濼在今壽

張縣東梁山之南濟汶既合東北匯而成濼日知錄云宋史宦者傳梁山濼古  
鉅野澤綿亘數百里濟鄆數州賴其蒲魚之利金史食貨志黃河已移故道梁  
山濼水退地甚廣遣使安置屯田自此以後鉅野壽張諸  
邑古時濼水之地無尺寸不耕而忘其昔日之為川浸矣

又北逕須胸城西水經

城臨側濟水故須國風姓也春秋僖公二十一年子魚曰任宿須胸顓臾風姓也實司太皞與有濟之祀地理志曰壽張縣西北有胸城者是也濟水西有安民亭亭北對安民山東臨濟水水東即無鹽縣界也

鄆注 東平州本漢無鹽縣州西南有須胸故城

又逕微鄉東水經

春秋莊公二十八年經書冬築鄆公羊傳謂之微在東平壽張縣西北三十里有故微鄉魯邑也杜預曰有微子冢濟水又北分為二水其枝津西北出謂之馬頰水鄆注

又北過須昌縣西水經

京相璠曰須胸一國二城兩名蓋遷都須昌胸是其本秦以為縣濟水於縣趙溝水注之鄆注 今東平州西有須昌故城元和志須昌

縣濟水在縣西二里

又北逕魚山東左合馬頰水水經

水首受濟西北流歷安民山北又西流趙溝出焉東北注于濟馬頰水又逕桃城東又東北流逕魚山南山即吾山漢武帝瓠子歌所謂吾山平者也其水又

東注于清濟謂之馬頰口鄆注 元和志魚山在東阿縣東南二十里近志云在縣西以宋初縣治東移

故也山東通志吾山一名魚山在東阿縣西八里大清河西岸五代史梁太祖與兗鄆兵大戰於此

濟水自魚山北逕清亭東水經

春秋隱公四年公及宋公遇于清京相璠曰今濟北東阿縣東北四十里有故清亭即春秋所謂清也是濟水通得清之目焉亦水色清深用兼厥稱矣是故燕王曰吾聞齊有清濟即此水也

歷齊魯界在齊界為齊濟在魯界為魯濟濟水自清亭又北則為穀城齊地矣濟之為齊為魯當分于此間

又北過穀城縣西

水經

濟水側岸有尹卯壘南去魚山四十餘里是穀城縣界春秋之小穀城也縣有穀城山陽穀之地春秋齊侯宋公會於陽穀者也

鄆注 後漢分東阿置穀城縣今為東阿縣治

又北逕周首亭西

水經

春秋左止明云襄公二年王子成父獲長狄僑如弟

榮如葬其首於周首之北門即是邑也今世謂之盧子城濟北郡治也

鄆注

又北過臨邑縣東

水經

地理志曰縣有濟水祠也水有石門故濟水之門也春秋隱五年齊鄭會于石門鄭車僨濟即於此也京相璠曰石門齊地今濟北盧縣故城西南六十里有故石門去水三百步蓋水瀆流移故側岸也

鄆注 臨邑故城在今在

平

又北逕平陰城西

水經

春秋襄十八年晉侯沈玉濟河會于魯濟尋湏梁之盟同伐齊齊侯禦諸平陰者也京相璠曰平陰齊地

行水金鑑卷八十三

在濟北盧縣故城西南十里平陰城南有長城東至海西至濟河道所由名防門去平陰三里齊侯塹防門即此巫山在平陰東北巫山之上石室世謂之孝子堂濟水右迤過為湄湖方四十餘里

平陰即今平陰縣盧縣故城在今長清縣西南二十五里

又東北至垣苗城西 水經

故洛當城也伏韜北征記曰濟水又與清河合流至洛當者也河水自泗瀆口東北流而為蒲魏土地記曰盟津河別流十里與清水合亂流而東逕洛當城北黑白异流涇渭殊別而東南流注也

鄭注 垣苗城在今長清縣濟水在北去縣十里即今大清河也對岸則齊河縣大清橋跨其上為南北通衢

又東北過盧縣北 水經

濟水東北與湄溝合水上承湄湖北流注濟

鄭注 左傳 隱三年齊鄭

又逕盧縣故城北 水經

濟北郡治也 鄭注 元和志 盧縣濟水在縣東二

又東北與中川水合 水經

水東南出山荏縣之分水嶺谿一源兩分泉流半解亦謂之分流交半水南出太山入汶半水出山荏縣西北流東逕太原郡南郡治山荏西北與漢賓谷水合水出南格馬山漢賓谿北逕盧縣故城北陳敦戍南西北流與中川合謂之格馬口其水又北逕盧縣

故城東而北流入濟俗謂之為沙溝水

酈注 山在故城在今長清縣東北

元和志豐齊縣濟水東去縣二十六里  
豐齊屬齊州故山在天寶二年改名

又東北右會玉水

水經

導源太山朗公谷西北逕獵山東又西北枕祝阿縣故城東野井亭西俗謂是水為祝阿澗水北流注于

濟

酈注 祝阿故城亦在長清縣東北

水經

灤音洛

又東北灤水出焉

灤水出歷縣故城西南泉源上奮水涌若輪春秋桓十八年公會齊侯于灤是也俗謂之為娥姜水也其泉源有舜妃娥英廟故也其水北為大明湖湖西即大明寺寺東北兩面側湖此水便成淨池也池上有

客亭左右楸桐負日俯仰目對魚鳥極望水木明瑟可謂濠梁之性物我無違矣湖水引瀆東入西廓東至歷城西而側城北注湖水上承東城歷祠下泉源競發其水北流逕歷城東又北引水為流徑池州僚賓燕公私多萃其上分為二水右水北出左水西逕歷城北西北為陂謂之歷水與灤水會自水枝津合水首受歷水於歷城東東北逕東城西而北出郭又北注灤水又北聽水出焉灤水又北流注於濟謂之

灤口也

酈注 寰宇記灤水在歷城西南二百步元和志全節縣濟水在縣北四十里今濟南府治歷城縣東有東平陵故城漢縣唐貞觀

中改名全節屬齊州曾鞏齊州二堂記曰泰山之北與齊東南諸谷之水西北合于黑水之灣又西北會于柏崖之灣而至于渴馬之崖蓋水之來也衆其北折而西也悍疾尤甚及至于崖下則泊然而止而自崖以北至于歷城之西蓋五十里而有泉涌出高或至數尺其旁之人名之曰趵突之泉齊人皆謂嘗有

其注而北則謂之灤水達于清河以入于海舟之通于濟者皆于是乎達也齊  
多甘泉其顯名者十數而色味皆同以余驗之蓋皆灤水之旁出者也齊乘曰  
今府城西平地泉源膏涌聲如隱雷旁合馬跑金線諸泉周可數畝北出又合  
密脂五龍泉並城北流屈而東至城北水門大明湖水出注也又曰濟南名  
泉碑論七十二泉遠至中宮靈巖諸泉具載而華不注之華泉明水鎮之明泉  
皆失不取况其名亦未  
雅稱蓋殘金俗筆也

又東北逕華不注山 水經

單椒秀澤不緣止陵以自高虎牙桀立孤峰特拔以  
刺天青崖翠發望同點黛山下有華泉故京相璠曰  
春秋土地名曰華泉華不注山下泉水也左傳成二  
年齊頃公與晉卻克戰於鞍齊師敗績逐之三周華  
不注逢丑父與公易位將及華泉驂絰于木而止即  
華水也北絕聽瀆二十里注于濟  
鄭注元和志華不注一名華山在歷城縣東北十五里

不讀如字

又東北過臺縣北 水經

巨合水南出雞山西北逕巨合故城又北合關盧水  
關盧水導源馬耳山北逕博亭城西西北流至平陸  
城與武原水合水北逕譚城東又北逕巨合城東合  
關盧水而出注巨合水西北逕臺縣故城南西北流  
白野泉水注之又北聽水注之水上承灤水東流北  
屈又東北流注於巨合水亂流又北入於濟  
鄭注今歷城縣東北有

臺縣故城

又東北合芹溝水 水經

水出臺縣故城東南西北流逕臺城東又西北入於

濟水

鄭注

又東北過管縣南

水經

濟水東逕縣故城南納百脉水水出土鼓縣故城西源方百步百泉俱出故謂之百脉水其水西北流注

於濟

鄭注

今章丘縣西北有管縣故城隋改置臨濟唐屬齊州元和志臨濟縣濟水在縣南二十里章丘縣濟水在縣西去縣十七里舊志云小清河在章丘縣北三十里土鼓縣漢屬濟南郡與梁鄒管縣相毘在今章丘縣平之間其故城不知所在

又東過梁鄒縣北

水經

瀧水南出長城中北流至般陽縣故城西南與般水會瀧水又西北至梁鄒東南與魚子溝水合瀧水即古袁水也故京相璠曰濟南梁鄒縣有袁水者也瀧水又西北逕梁鄒縣故城南又北屈逕其城西而北

注濟其城之東北又有時水西北注焉

鄭注

元和志濟陽縣濟水在縣南長山

縣濟水在西北去縣三十五里鄒平縣濟水在北去縣三十五里梁鄒故城唐置濟陽縣屬淄州今為鄒平縣治其唐之鄒平縣城則割入今齊東縣界金志長山新城二縣西北並有小清河新城本漢高苑其故城在今縣東

又東北過臨濟縣南

水經

縣故狄邑也漢永初二年改名臨濟晏謨齊記曰有

南北二城隔濟水

鄭注

今高苑城西南有臨濟故城元和志高苑縣濟水在北去縣七十步

又東北迤為淵渚謂之平州

水經

地理志千乘郡有平安縣侯國也應劭曰博昌縣西南三十里有安平亭故縣也世尚存平州之名矣濟水又東北逕高昌縣故城西又經薄姑城北城在臨菑縣西北五十里近濟水又東北逕狼牙固西

鄭注今高苑

縣東南十里有麻大泊一名魚龍灣周五六十里蓋即古濟水所匯之平州也  
高昌縣故城在今博興縣西南薄姑城在今博興縣東北蒲姑城是也狼牙固  
考無

又東北過利縣西 水經

王莽之利治也晏謨曰縣在濟城北五十里 鄒注今博興縣東有利

縣故城

又東北逕樂安縣故城南 水經

班固曰千乘郡有東安縣應劭曰取休令之名矣 鄒注樂

安故城在今博興縣東北隋改樂安曰博昌五代唐改曰博興元和志博昌縣  
濟水在北去縣百步此經舊在高昌下今據薄姑利縣俱南直臨淄而樂安故  
城在博昌縣東北則此  
經乃錯簡故移置於此

又東北過甲下邑 水經

濟水東北至甲下邑南東歷琅槐縣故城北地理風

俗記曰博昌東北八十里有琅槐鄉故縣也山海經  
曰濟水絕鉅野注渤海入齊琅槐東北者也又東北  
河水枝津注之水經以為入河非也斯乃河水注濟

非濟入河 鄒注今青州府樂安縣東北一百  
十里有琅槐故城漢縣屬千乘郡

又東北入海 水經

郭景純曰濟自滎陽至樂安博昌入海今河竭濟水  
仍流不絕經言入河二說並失然河水於濟漯之北  
別流注海今所輟流者唯漯水耳郭或以為濟注之  
事實非也尋經脉水不如山經之為密矣 鄒注渤海在  
今樂安縣東北  
一百三十里東接壽光縣界北接利津縣界樂安本漢廣饒鉅定二縣屬齊郡  
其故城並在今縣東北後漢省琅槐入博昌故社預郭璞皆言濟水至博昌入  
海



以今輿地言之自東平會汶以下東阿平陰並屬山東兗州府長清齊河歷城章丘鄒平長山新城並屬濟南府高苑博興樂安並屬青州府諸縣界中皆禹貢濟水入海之所經也濟水自東平以下唐人謂之清河按戰國策燕王謂蘇代曰齊有清濟濁河以為固郭緣生曰清河首受洪水北流濟或謂清則濟也酈道元曰濟水通得清之目此清河之名所自來也至宋又有南北清河之名河渠志云熙寧十年河決澶州徙而南東匯于梁山張澤灤分為二派一合南清河入于淮一合北清河入于海南清河即泗水北清河即濟瀆也南渡後北清河又有大小之分蓋自劉豫導灤東行始齊乘

以大清河為古濟水小清河為豫所創志家皆沿其說黃子鴻非之曰以水經注元和志寰宇記諸書考之濟水最南漯水在中河水最北今者小清所經自歷城以東如章丘鄒平長山新城高苑博興樂安諸縣皆古濟水所行而大清所經自歷城以上至東阿固皆濟水故道而自歷城東北如濟陽齊東青城諸縣則皆古漯水所行蒲臺以北則故河水所經蓋宋時河嘗行漯瀆及河去則大清兼行河漯二瀆其小清所行則斷為濟水故道也渭按子鴻此言正三百餘年積傳之謬蓋清河所行本濟瀆不知何時從歷城東北決而北入濟陽縣界與漯水合而清河之名

遂被于漯據水經漯水逕著縣故城南著即今濟陽而縣南有大清河是知大清即漯其水自歷城入濟陽乃近世之所決非唐清河入海之故道也濟陽之流日盛則章止之流日微故劉豫堰漯水使東以益之齊乘云大清河自齊河縣又北經歷城上漯橋北漯水分響河入焉又東北逕華不注山陰又東逕下漯堰漯水舊入濟處堰南即小清河按響河即聽水也此大清河猶是濟之故瀆其所行者實濟水故道而志家反以濟陽之大清河為古濟舛錯殊甚不有子鴻其誰正之然大清自歷城入濟陽及濱州以東入海之道不知決于何年意者宋熙寧時河嘗合北清河入海始開此道其後金明昌五年河復由此入海久而後去流益深廣此大清之所以浩浩而小清之所以屢濬屢

塞也與 水經敘濟水自滎陽以下原委甚悉杜預春秋釋例曰濟自滎陽卷縣東經陳留至濟陰北經高平東經濟北東北經濟南至樂安博昌縣入海郭璞注山海經略同酈道元依水經以立注出河之濟又加詳焉是由東漢以迄後魏濟未嘗一日絕也唐人則據司馬彪之言以為自王莽後河南不復有濟水太子賢注後漢循吏傳曰濟水東流逕溫縣入河度河東南入鄭州又東入滑曹鄆濟青等州入海王莽末旱則枯涸但入河內而已杜佑通典曰濟水因王莽末旱渠涸不復截河過今東平濟南淄川北海界中有水流入于海謂之清河實荷澤汶水合流而

曰濟河蓋因舊名非本濟水也元和郡縣志曰濟水自王莽末入河同流于海知河南之地無濟水矣自後所說皆襲舊名如鄆州之須昌濟州之長清盧縣齊州之臨邑豐齊全節臨濟章丘淄川之濟陽長山鄒平高苑青州之博昌諸縣界中並有濟水其後則不經博昌而改從棣州之蒲臺入海是皆襲舊名而實非濟也渭按鴻溝既開河水與滎濟相亂及滎澤塞爲平地則河南無涓滴之濟矣水經之所謂濟者皆滎陽下所引之河水也而杜預京相璠郭璞酈道元輩皆莫能辨唐人始知之所見遠過于前但以爲河南之濟由王莽末旱枯而絕則非以余考之旱枯

之事郡國志繫河內温下酈注亦於温縣濟水故瀆下言之其所云枯後復通津渠勢改者謂濟水自温縣入河不復東至武德耳而滎陽以下絕無一字道及殆與河南之濟無涉釋例自卷縣博昌而外畧舉郡名故與水經不同孔穎達以爲水流之道今古或殊杜據當時所見言之與水經乖異非也晉時濟水之道實與漢世不殊文有詳畧非枯後復通津渠勢改也若夫唐之清河自須昌以下所受唯荷汶則又有其故矣蓋天寶後汴水堙廢濟渠亦無所受荷澤以西竟成斷港故元和志云濟自須昌始而通典云濟河實荷汶之合流其所謂荷者即五丈溝之水西

自考城來者也迨元人開會通河引汶絕濟以資運道明永樂中又于古四汶口之地築戴村壩過汶使西南流汶水自是盡出于汶上西南至南旺入漕四分南流上開接沂泗六分北流出下開抵漳衛唯小鹽河一綫洩入清河小鹽河在今東阿縣西南二十里即運河所洩汶水支流也清河賴諸山泉溝澤以成其川并無荷汶之可言矣而志家猶執清河以為禹貢之濟水不亦過乎或又云山左諸泉實皆濟水溢為大小清河濟雖絕而不絕也然此等指為濟水則可以為滎澤陶止之遺跡可乎哉東漢後河南無濟水斯為定論紛紛筆舌徒滋來學之惑無為也濟瀆之水自周以來凡數變初為濟及導滎為川則滎與濟合鴻溝既開滎瀆為河所亂及滎澤

又塞則所行者唯河水矣汴渠不通則鉅野以北所行唯荷汶戴村已築則東阿以下所行唯山泉溝澤之水其號為濟者襲舊名而已濟瀆入海之道自唐以來亦數變初經高苑縣北又東北至博昌入海其後則不由博昌通典云舊濟合在今博昌縣界今無元和志蒲臺縣下云海在縣東一百四十里海畔有一沙阜俗呼為鬪口淀是濟水入河處海潮與濟相觸故名蓋其時濟水改道從蒲臺東北與河渾濤而入海也宋南渡後劉豫導灤水東行入濟水故道為小清河仍經高苑縣北至樂安縣入海及金皇統中縣令高通改由縣南長沙溝至博興合時水又東北

至樂安由馬車瀆入海

瀆在縣東北五十里今為高家港

其後小清之上流

堙塞鄒平長清新城界中故瀆皆為漯河所行漯河即楊渚溝水寰宇記所稱獺河者也歷城新志云小清河自明永樂後漸至堙塞成化九年嘗濬治之嘉靖十二年又塞乃復濬博興以西達于歷城幾三百里久之復淤蓋小清唯恃灤水為源堰東有阻則灤水仍自華不注東北入大清河屢濬屢塞職是故也水經所敘瀆同而水異水異故李弘憲云河南無濟水瀆同故黃文叔云禹迹賴此而猶存言非一端各有所當今與人論濟水苟以為無則羣指七十二泉大小清河以相難若以為有則又據杜佑之說詆水

經不當襲舊名為濟明道謂與公言如扶醉人扶得一邊起又倒却一邊真可笑又可憎也

禹貢錐指

有問濟水枯而復通畢竟在何時予曰考王景傳曰初平帝時河汴決壞未及得修建武十年陽武令張汜上言河決積久日月侵毀濟渠所漂數十許縣逮後三十五年汴渠成明帝巡行下詔曰河汴分流復其舊迹陶止之北漸就壤墳此汴壞而濟亦壞汴治而濟亦治之徵也又考晉書傅祗傳武帝時為滎陽太守自魏黃初大水後河濟汎濫鄧艾常著濟河論開石門而通之至是復侵壞祗乃造沈萊堰充豫無水患郗超傳太和中桓温將伐慕容氏引軍自濟入

河超諫曰清水入河無通運理毛穆之傳溫使穆之  
鑿鉅野百餘里引汶會於濟此豈竟枯絕者哉大抵  
**王莽世天災雖甚然皆不害而水竭**橫言天嘗連  
雨東北風海水溢西南出寢數百里九河地已為海  
所漸矣今九河故迹故具在酈氏言濟當王莽之世  
川瀆枯竭後水流逕通予謂此班氏注於垣縣云王  
屋山沈水出東南至武德入河軼出滎陽北地中又  
東至琅槐入海過郡九行千八百四十里蓋以目驗  
者言也祇緣司馬彪下語太重若改遂枯絕為曾枯  
絕則是矣 大清一統志大清河在歷城縣北自齊  
河縣流入又東北入濟陽縣界其上流即古濟水也

小清河在歷城縣北即古灤水也臣按自漢至隋唐  
惟有濟水杜佑始有清河之名宋南渡後始有大小  
清河之分今者小清所經自歷城以東如章丘鄒平  
長山新城高苑博興樂安諸縣皆古濟水所行而大  
清所經自歷城以上至東阿固皆濟水故道而自歷  
城東北如濟陽齊東青城諸縣則皆古灤水所行蒲  
臺以北則古河水所經蓋唐宋時河行灤川其後大  
清兼行河灤二川其小清所行則斷為濟水故道也

潛止劄記

濟水出於滎陽之北... 漢建安九年春正月濟河過淇水入白溝以通糧道... 國志

行水金鑑 卷第八十三

濟水

漢建安九年春正月濟河過淇水入白溝以通糧道

國志

北齊河清元年四月濟溢 河南通志

帝也 高宗 東封泰山以許敬宗領使次濮陽帝曰書稱浮于濟漯今濟與漯斷不相屬何故而然對曰夏禹導洳水東流為濟入于河今自濟至温而入河水自此洑地過河而南出為滎又洑而至曹濮散出於地合而東汶水自南入之故謂洑為滎東出于陶止北又東會于汶是也古者五行皆有官水官不失職則能辨味與色潛而

出合而更分皆能識之帝曰天下洪流巨谷不載祀典  
濟甚細而在四瀆何哉對曰瀆之言獨也不因餘水獨  
能赴海者也且天有五星運而為四時地有五嶽流而  
為四瀆人有五事用而為四支五陽數也四陰數也有  
奇偶陰陽焉陽者光曜陰者晦昧故辰隱而難見濟潛  
流屢絕狀雖微細獨而尊也帝曰善敬宗退矜曰大臣  
不可無學

唐書許敬宗傳

宋乾德三年十月丙寅濟水溢鄒平

宋史太祖本紀

師中知濟兗二州濟水堙塞久師中訪故道自兗城西  
南啓鑿之功未半而去

宋史李師中傳

古說濟水伏流地中今歷下凡發地皆是流水世傳

濟水經過其下東阿亦濟水所經取濟水煮膠謂之  
阿膠用攪濁水則清人服之下膈疎痰止吐皆取濟  
水性趨下清而重故以治淋濁及逆上之痰今醫方  
不載此意

夢溪筆談

元至正二年六月癸丑夜濟南山水暴漲衝東西二關  
流入小清河黑山天麻石固等寨及卧龍山水通流入  
大清河漂没上下居民千餘家溺死者無算

元史順帝本紀

濟之性勁源於晉伏流地中乍見乍伏一支穿太行  
為百泉為衛水一支為濟源出山東為七十二泉

同子

濟因會通河借水通漕而其流竟莫可考

古言



禹貢濟河惟兗州又道沈水東流為濟入于河溢為  
滎東出于陶止北又東至于荷又東北會于汶又北  
東入于海周官兗州其川河濟是已水經注及山海  
經云濟水出河東垣縣王屋山初名沈水東出温縣  
西北始名濟水又東南流當鞏縣之北而南入河與  
河並流過成臯溢出為滎水東流過陽武及封丘縣  
北又東過宛胸縣南至定陶縣南又東北流與荷水  
會東至乘氏縣西分而為二其一東北入鉅野澤過  
壽張西與汶水合又北過穀城縣西又東北過盧縣  
北經齊郡東萊郡而入海也唐李賢謂濟自鄭以東  
貫滑曹鄆濟青以入于海宋樂史謂東平濟南淄川

北海界中有水流入海謂之清河今按濟水在漢時  
伏流不見惟汶水自泰安州出者由故道東北流入  
海自元人引汶水入洸為運河明因之凡汶水入海  
處皆築堰壩以遏其流而入海之道遂多湮塞今所  
謂大清河者乃汶水出洸河者復從張秋分流而入  
會徐東南諸山泉溝澤北經長清齊河至歷城會樂  
水經濟陽齊東武定青城濱州蒲臺利津諸州縣界  
入海實濟河之故道也所謂小清河者即樂水發源

濟南趵突諸泉

趵突泉在府城西一名爆流平地泉湧高或至數尺蓋  
濟水伏流至此而發樂水之源也由東北至小清河入

海宋曾鞏二堂記曰按圖泰山之北與齊之東南諸谷之水西北匯於黑水之  
灣又西北匯於柏崖之灣而至於渴馬之崖蓋水之來也衆其北折而西也悍  
疾尤甚及至於崖下則泊然而止而自崖以北至於歷城之西蓋五十里而有  
泉湧出高或至數尺其旁之人名之曰趵突之泉齊人皆謂嘗有棄糠於黑水

之灣者而見之於此蓋泉自渴馬之崖潛流地中而至北復出也酌突之泉冬  
温泉旁之蔬甲經冬常榮故又謂之温泉其注而北則謂之樂水達於清河以  
入於海舟之通於濟者皆於是乎出也齊多甘泉冠於天下其顯名者以十數  
而色味皆同以予驗之蓋皆樂水之旁出者也樂水嘗見於春秋魯桓公十有  
八年公及齊侯會於濼杜預釋在歷城西北入濟水自王莽時不能越河西南  
濼水之所入者清河也蓋預失之 金線泉在府城西石磬方池泉亂發其下  
東注城壕澄澈見底波心南北有金線一道隱起水面 珍珠泉在府城內有  
二南珍珠泉在鐵佛巷街東今於北珍珠泉在都司西北白雲樓前後規入德  
府城中泉爆起粒粒如珍珠匯為古明湖 按一統志濟南名泉七十二酌突  
為上金線珍珠次之其餘不能與三泉侔矣今按酌突金線珍珠杜康舜泉舊  
志已收其曰皇華曰柳絮曰卧牛在金線東曰東高曰南漱玉北漱玉在金線  
南曰無憂曰石灣在酌突南或云在檻前西南曰酒泉曰湛露在無憂西曰滿  
井曰煮糠在酌突北曰散水曰溪亭在北珍珠東曰劉氏曰濯纓在北珍珠西  
曰灰泉在濯纓西北曰知魚在灰泉東南曰珠砂在灰泉西曰白雲在劉氏南  
曰登州曰望水在萬竹園內曰洗鉢在登州東北曰淺井曰馬跑在洗鉢西南  
曰香泉在舜泉西曰鑑泉在舜泉南或云即檻泉也曰金虎在李承務巷或云  
即黑虎也曰東密脂在金虎西南曰西密脂在東密脂西曰孝感在孝感坊內  
曰玉環在布政司前曰羅姑在塔巷街東曰混沙曰灰池在城西西南角場下曰  
芙蓉在姜家亭前曰滴水在西務北曰灰灣曰賢清在城西五龍堂東曰雙桃  
在城西丁字街北曰温泉在城西石橋北城下曰汝泉在神童寺內曰龍門在  
神童寺東曰染池在龍門東曰懸泉在中宮東或云在龍洞口曰都泉在中宮  
鎮東南曰柝泉曰車泉在中宮東曰煮糠在四里山南曰爐泉在南山下曰甘

露在大佛山曰林汲在佛谷內曰白泉在玉舍莊北五里曰金沙曰白龍在龍  
洞山曰花泉在張家泊曰獨孤在靈巖寺或云在天麻嶺下曰金泉在章止巖  
堂嶺或云即醴泉也北曰漿水在龍山鎮東南曰南煮糠在蠟山窩北曰苦苣  
在柳鋪東一名萬苣曰熨斗在梨峪門家莊曰鹿泉在石固寨曰龍居在章止  
長城嶺西合酌突諸泉及章止百脈泉總七十二見名泉碑齊乘曰濟南名泉  
碑論七十二泉遠至中宮靈巖諸泉具載而華不注之華泉明水鎮之淨明泉  
皆失不取况其名亦未雅稱蓋殘金俗筆也永樂間山東僉事晏璧作七十二  
泉詩其泉名視名泉碑所載間亦不同蓋歲久泉源淤塞者多好事附會訛傳  
固亦不足辨云 **流至城北古明湖** 湖在府城內西北隅源出歷下諸泉一名西  
河入海按鄒道元水經註濼水北為古明湖湖水引瀆東入西郭而側城北注  
又上承東城歷下泉源競發北流出郭一統志源出舜泉今按濼水遶城北流  
向東不入城舜泉亦止成一井不流惟北珍珠濯纓諸泉今在德府內者北流  
入古明湖而自北水門出注濼水如舊豈湖中自有泉源暗發人不及見耶今  
湖多為民居填塞治圃夾蘆為沼小舟僅通 **出而合之由華不注山**  
曲港而蔬果蓮藕菱芡魚蟹之利民頗資之 **下東流會巨合水** 水在府城東七十里東源曰榆科泉西  
源曰江水泉北流各五里合小清河 **又東經**  
**章止會清河** 河在章止縣東一里即繡江也源發會仙山下合百脈  
泉及東西二麻灣泉西北匯為白雲湖流入小清河 **又**  
**會濼河** 河在章止縣東七里齊乘作濼河一名楊緒水源  
出長白山之王村峪西北流至柳塘口入小清河 **三水合流經**

行水金鑑卷八十三  
四

鄒平長山新城又會孝婦河

河在淄川縣西門外源出青州益都縣顏神鎮合龍萌二水北經長山新

城縣界流入小清河

又東經高苑入博興樂安界合於烏河

河在新城縣東三十里源

出益都矮槐樹北即時水也亦作形水流入小清河舊志謂時水在陽信縣城西者非

又北至馬車瀆入海或

云古灤水自華不注山東北入為大清河自偽齊劉

豫道之東行始為小清河云

大清河即濟水故道濟水伏流不見汶水自泰安州出者由故道自寧陽

界西南流至汶上縣北泗汶村至東平州南西北流入東阿縣界又東北經長

清齊河歷城濟陽齊東武定青城濱州蒲臺利津等州縣入海自元時於寧陽

縣東築堽城壩過汶水入流以通運河明永樂間又於東平州東築戴村壩盡

過汶水入會通河於是入海之道多塞汶水既入運河者又從張秋分流復由

故道會諸州縣溝泉之水合小清河東北注海小清河一名灤水源發府城

西的突泉由華不注山下東行會巨合水又東經章丘會清河又會灤河合流

經鄒平長山新城又會孝婦河又東經高苑博興至樂安馬車瀆入海俗名鹽

河按古灤水自華不注山東北入大清河偽齊劉豫乃導之東行為小清河今

海運久廢河道漸淤其水復自華不注東北入於大清河而小清河

所受止鄒平而下游山泊河白條溝鄭黃溝孝婦河烏河諸流而已

又按鄆

道元謂濟水在王莽時枯竭鄭樵通志亦曰濟水多

涸竭自今觀之濟水勁疾能穴地伏流隱見無常乃

其本性非真涸竭也濟水既伏流地中則發地皆泉

又不特歷下諸邑為然是故一見為濟源再見為滎

水又見為山東諸泉水而溢為大小清河其實皆濟

水也又何嘗見其枯竭邪淮南子曰濟水通和宜麥

周官曰鸛鶴不踰濟風俗通曰濟齊也齊其度量劉

向說苑稱濟能蕩滌垢濁通百川於海蕩出雲雨則

濟水之德又古今所並稱云

山東通志

四瀆水之易變者莫若河變而至於絕者莫若濟予

嘗討論濟瀆積至五載始評以二言曰新莽後枯而

復通唐高宗前通而復枯咸出天數夫豈人謀蓋後

漢郡國志曰濟水王莽時大旱遂枯絕者此初絕也  
酈注濟水條曰其後水流逕通津渠勢改故杜釋春  
秋郭注山經並云今濟水至博昌入海者此復通也  
章懷太子賢循吏傳注曰濟水王莽末旱因枯涸但  
入河內而已似素不知有中古復通之事者此終絕  
也潛止劉記

濟水三伏三見與夫南北大小清河屈明先生辨之  
詳矣至引或說謂山左諸泉實皆濟水溢為大小清  
河其說本之山東通志具有確見則濟水伏流發自  
地中者豈獨七十二泉哉春秋襄十八年會于魯濟  
莊三十年遇于魯濟注濟水歷齊魯界在齊界為齊

濟在魯界為魯濟由此觀之今濟南府之新泰萊蕪  
二縣泰安州肥城縣兗州府之平陰縣東平州汶上  
寧陽泗水曲阜滋陽五縣濟寧州魚臺鄒滕嶧四縣  
青州府之蒙陰縣皆有泉濟南青州皆齊地兗州魯  
地齊魯之界皆有泉則皆是濟水矣故將各州縣之  
泉臚列如左小谷口菅藪

東平州泉十四舊九新五安園泉吳家泉張胡郎泉小黃泉新

大黃泉新王老溝泉席橋泉淨泉新源泉新冽泉新杷頭泉

獨山泉鐵鈎背泉坎河泉俱入汶舊有徐家莊灰盧三泉今廢汶上縣泉三

舊二龍鬪泉新樂當山泉雞爪泉新俱入汶舊有馬莊泉今廢平陰縣泉一

舊一柳溝泉入汶滋陽縣泉八舊四新四東北新泉闕黨泉古溝泉

新 負假泉上蔣調泉新 下蔣調泉新 西北新泉驛後新泉

新 鄒縣泉十二舊八新四 鱔眼泉程家莊泉新 孟母泉陳家

溝泉白馬泉岡山泉黃港溝泉新 淵源泉柳青泉馬山泉

新 勝水泉新俱入白馬河 二角灣泉入魯橋河舊有白莊泉今廢 曲阜縣泉二十舊十

三 橫溝泉埠下泉新安泉變巧泉俱入泗 青泥泉柳青泉車

輞泉達泉茶泉雙泉曲水詠歸泉溫泉連珠泉新泉曲

溝泉濯纓泉鄒村泉新 文水泉新 柳莊泉新俱入沂 蜈蚣泉會鱔眼泉

入白馬河舊有 泗水縣泉五十三舊三十新二十三 趵突泉珍珠泉淘

糜泉黑虎泉四泉俱出陪尾山林泉寺左會為泗源 繁星泉白石泉新 蓮花泉新開

泉新 響水泉紅石泉甘露泉七泉在林泉寺南會趵突等泉入泗 下莊泉三台泉

新 湧珠泉石露泉新 甘露新泉新 奎聚泉新 琵琶泉新七泉俱會趵

突等泉 潘波舊泉潘波新泉新 黃陰泉吳家泉杜家泉曹家

泉蔣家泉里澇溝泉新 石井泉新 鮑村泉合德泉新 趙家泉

龜陰泉龜眼泉新 龜尾泉新 東巖石縫泉珍珠泉在縣東南尚舒社

黃溝泉苦陵泉石河泉壁溝泉小玉溝泉大玉溝泉蘆

城泉西巖石縫泉三角灣泉雪花泉新 新開第二泉新 天

井泉新 醴泉新 醴前泉新 七里溝泉新 馬莊泉新 馬跑泉新 魏

莊泉新 滕縣泉十八舊十五新三 北石橋泉三里橋泉大烏

泉絞溝泉趙溝泉荆溝泉趵突泉劉家溝泉南石橋泉

玉花泉魏家莊泉新 三山泉黃溝泉白山泉新 温水泉黃

家溝泉俱轉入南陽新河 三界灣泉龍灣泉二泉挑入新河 嶧縣泉五舊三

許有泉温水泉搬井泉新俱轉入南陽新河 許池泉龍王泉新俱入邳州河 寧

陽縣泉十二舊龍魚泉龍港溝泉魯姑泉灤當泉俱入汶蛇眼

泉會諸泉入漕河經洗濟出天津開張家泉井泉三里溝泉古泉柳泉俱會蛇眼等泉

入漕河金馬莊泉古城泉俱入漕河魚臺縣泉十四舊五新九東龍泉平

山泉古泉新廉家潭泉新西龍泉聖母泉新黃良泉廟前泉滕

家泉新河頭泉新高家東泉新高家西泉新陳家泉新中溢

泉新俱入南陽新河濟寧州泉三舊蘆溝泉入南陽開河拓基泉入棗林開河馬陵

泉入魯橋開河泰安州泉三十八舊三十新五板橋灣泉皂泥溝泉

鯉魚溝泉范家灣泉鐵佛堂泉清泉周家灣泉風雨泉

馬兒溝泉梁子溝泉新木頭溝泉龍灣泉張家泉梁家莊

泉上泉馬蹄溝泉臭泉朔港溝泉水磨泉狗跑泉報恩

泉陷灣泉胡家港泉馬黃溝泉龍王泉濁河泉斜溝泉

羊舍泉顏謝泉北滾泉順河泉韓家莊泉新力溝泉東柳

泉神泉新西柳泉龍堂泉水波泉俱入汶新泰縣泉十四舊二新

南陳泉魏家泉南師家泉名公泉新張家泉公家莊泉孫

村泉西周泉名灣泉新和莊泉西都泉古河泉劉杜泉靈

查泉俱入汶舊有北艽泉及北流泉萬歲泉今廢肥城縣泉九舊五新四清泉拖車泉新

鹽河泉董家泉新臧家泉吳家泉王家泉開河泉新馬房

泉新俱入汶萊蕪縣泉十六舊十一新五小龍灣泉湖眼泉蓮花池泉

郭娘泉牛王泉鵬山泉烏江岸泉鎮里泉趙家莊泉王

家溝泉半壁店泉海眼泉新雪家莊泉新水河泉新魚池

泉新新興泉新俱入汶蒙陰縣舊有泉河順德伏牛峪官橋下

縣舊有單家銅井芙蓉上泉盆泉灰泉大泉小水雪王臺龍王堂共十泉俱入邳州河今廢明會典

濟水源出王屋山伏見不常其流遂分南北汶合北  
濟故道以入海而元人自安民山開河由壽張北至  
臨清謂之引汶絕濟迨明初過汶全流從南旺分水  
屈曲西北達臨清為運道直奪大小清河東北出海  
故道即所謂北濟也泗合南濟故道以入淮元人於  
堽城之左作斗門過汶南流至任城謂之引汶入濟  
迨明初過汶諸流別從金口東穿兗州府城西出納  
闕黨等泉至濟寧城東會洸流入天井閘今府城會  
河俗謂之府河亦謂之濟河是闕黨諸泉即濟水伏  
見之源濟寧相近現行漕河河身左右渠流皆所謂  
泗合入淮之南濟也諸泉之由濟入運者在北則有

汶上西北灤灤蒲灣諸水在南則有滋陽之闕黨等  
泉 汶水之源有三一發泰山僊臺嶺一發萊蕪原  
山陽一發萊蕪寨子村會泰山諸泉至靜封鎮合而  
為一謂之大汶口轉西南與小汶河合小汶源出自  
新泰官山下西流至徂徠山陽入大汶合流至寧陽  
西北分而為二其一為元人所改由堽城南流別為  
洸水其一由堽城西流至東平州東五十里會坎河  
諸泉至泗汶口而分其西流者入大清河由東阿而  
北至利津入海此故道也明永樂中濬會通河乃移  
堽城壩於青川驛以過其入洸之流於坎河之西築  
載村壩以過其入海之路使其全流盡出於汶上城

行水金鑑卷八十三  
九  
北二十五里受樂當諸泉謂之魯溝又西南流至城北二里受蒲灣泊水謂之草橋河又西南流十里謂之白馬河又西南流二十里謂之鷺河鷺河者故宋之運道也洄而為渠汶水由之又西南十五里謂之黑馬溝又西南至南旺入於漕南流者十之三四北流者十之六七是為分水口諸泉之由汶濟運者凡百四十有四新泰二十五萊蕪二十四泰安四十七肥城九平陰二寧陽四東平二十五汶上六蒙陰二汶水即汶之支流汶水經寧陽之北元人既為水門於堽城之左過之益泗復為閘於奉符導之為泲蓋時未知分水南旺即於濟寧會源閘分水故為會

通河之源者即泲也明初遏汶全流西北從南旺分水仍於寧陽壩西十里增築新壩一座於其南別開河十里浚之南流以存泲一線其後為積沙所壅更於泲北作東西二閘以導閘西之柳泉使穿東閘出北會寧陽縣南蛇眼等泉環流仍入東閘以歸於泲西南流至濟寧會泗沂合流同入天井閘濟運諸泉之由泲入運者惟寧陽之西柳蛇眼等九泉 泗水源出於陪尾山下四泉同發故曰泗水因以名其縣四泉合而成流西南行經卞城其西有泉數十自縣之南境北流入之又有泉數十自縣之北境南流者入之自此西過其縣北又西過曲阜城北五里分為



二流北為洙瀆流繞聖墓之前而泗水繞其後皆過孔林西復合為一西至兗州府城東五里金口閘東沂水零水入之諸泉之由泗入運者本縣五十九曲阜五 沂水源出尼山麓過曲阜南而東來零水出曲阜南馬跑泉過鄒縣境而東來同謂之沂水沂即合泗於金口壩東復為二流其十之九即下金口壩南由濟寧境入魯橋開其十之一入兗州府城出西門外納闕黨蔣詡七泉合流六十里至濟寧城東復屈從南會於洸水入天井閘諸泉之由沂入運者曲阜十九滋陽八而濟寧之托基浣筆等泉自入運者不與焉 山東全河備考

新泰縣

晉最云新泰古平陽地春秋宣八年城平陽即此晉置新泰縣取新

東南之勝焉今屬濟南府

南師泉距縣東北十五里出山坡石縫中自

南師店北起東流長一里入南師會河 魏家泉距

縣東北三十里出山坡石縫中自三山莊東流長一

里入南師會河 高峪泉距縣北三十里出土中自

北師莊迤北南流長一里入南師會河 路踏泉距

縣東北四十里出石縫中自孤山莊迤北南流長五

里入南師會河 名公泉距縣東南三里出名公村

沙土中自果元莊迤西西南流長二里入南師會河

張家溝泉距縣南十里出土中自名公莊迤西南

流一里五十步入南師會河 嘯泉距縣南三里出

行水金鑑卷八十三  
十一  
土中自大窪莊前流長五里入南師會河 已上七  
泉俱入南師會河南師河自高峪鋪流至小汶長五  
十里 以下俱山東全河備考

北陳泉距縣東南十里出平地土中自北陳莊流長  
五里入螯山會河 南陳泉距縣東南十五里出沙  
土中自南陳莊流三里入螯山會河 北鮑泉距縣  
東南十里出北鮑莊沙中自陵溪莊流長五里入螯  
山會河太公泉距縣東北三十里出太公峪沙土中  
自陵溪莊南流五里入螯山會河 已上四泉入螯  
山會河螯山河距縣東八里自陵溪莊流至小汶六  
十里

新西周泉距縣西北十五里出沙土中自西周莊流  
長一里入西周會河 西周泉距縣西北八里出沙  
土中自西周莊流長一里半入西周會河 杏山泉  
距縣西北十里出杏山西坡下流長八十五步入西  
周會河 金溝泉距縣西北十里出土中自杏山西  
北流長一里入西州會河 公家莊泉即龔家莊泉  
距縣西南八里出石縫中自公家莊東流長二里入  
西周會河 賈周泉距縣西南十里出土中自公家  
莊南流長八十五步入西周會河 已上六泉入西  
周會河西周河自魏胡山流至小汶長四十五里  
周家泉距縣西北三十五里出周家莊土中自青萊

嶺流長五里入崖頭會河 崖頭泉距縣西北三十里出土中自崖頭莊東流長二里入崖頭會河 溝泉距縣西三十里出土中自構上村流長二里入崖頭會河 已上三泉入崖頭會河崖頭河自青萊嶺流至小汶七十五里

和庄泉距縣西北五十里出和莊村沙土中自和莊南西南流長二里入羊流會河 紅河泉距縣西北五十里出土中自裏頭城東南流長二里入名灣泉上源 釣魚臺泉距縣西南五十里出土中自裏頭城東南流長二里入名灣泉上源 名灣泉距縣西南四十里自裏頭城東南流長二里入羊流會河

已上四泉共會入羊流會河羊流河自蓮花山前起至小汶八十里 劉杜泉距縣西南四十里地名泉頭村出高坡石縫中自雲山寺前流長三里自劉杜渠入廣明河 萬歲泉即萬松泉距縣西南三十里出劉杜集石縫中自南流泉莊起西南流十里會劉杜入廣明河 澇坡泉距縣西南二十里出土中自澇坡莊東流長十五里入廣明河 已上三泉俱入廣明會河廣明河自南澇坡太安界起至汶河長七十里 大峪泉距縣東南二十里出土中自大峪莊南流長一里徑入小汶 柳溝泉距縣南二十里出東都莊

南土中北流一里入小汶 孫村泉距縣西南十五里出鳳凰莊前石縫中西南流一里入小汶 西都泉距縣南二十里出西都莊渠石中池名老鼠汪北流長二里徑入小汶 里橋泉距縣西南二十里長一里會入古河泉五步會汶 古河泉距縣西南二十里古河莊出土中志云珠光迸出雨氣遄飛泉之傑出者流長一里徑入小汶 北流泉距縣西南二十五里出石縫中寺山莊北流長八里入小汶 劉都泉距縣西二十里出劉管莊東土中南流長二里入小汶 黃水灣泉距縣西南四十里出土中瓦窰頭莊西流長一里入小汶 靈查泉距縣西南七十

里出靈查莊南池土中西北流長一里入小汶 已上泉俱入小汶河小汶自蒙陰交界起至泰安州安家莊止共長一百二十里

按小汶水距縣東四十里源出龍堂山會平陽西南流入大汶其外諸渠有羊流河源出新甫山右入汶平陽河源出孤山左經城東始盛南入汶廣寧河源出周家泉南入汶蘇莊河源出新甫山南入汶廣明河源出關山北流入汶總由小汶納南師諸泉西南流云 以上俱山東全河備考



家灣泉距縣東南二十六里出黃山保土中北流入汶  
蓮花泉距縣東南三十里一作二十五里出碁山保山坡  
下土中西流入汶 已上八泉從縣東入汶  
鵬山泉距縣東北二十一里出鵬山麓石縫中即發  
响水灣牟汶上源也水茂盛長三里西南流會趙家  
泉又三里入盤龍河又五里入大汶 趙家泉距縣  
東二十四里在鵬山保出古牟城南土中水茂盛長  
一里南流至盤龍河入汶 雙龍泉距縣東二十四  
里水茂盛長半里至盤龍河入汶 斜里泉距縣東  
二十四里長半里至盤龍河入汶 已上四泉東北  
來至盤龍河入汶

半壁店泉距縣西三十五里出毛埠保土中西南流  
入汶 西夾溝泉距縣西三十四里入半壁店泉同  
入汶 青陽港泉距縣西南三十里長三里北流入  
汶 賀家灣泉距縣西南四十五里長一里北流入  
汶 王家溝泉距縣西二十八里出新莊保土中西  
南流二里半入汶 牛王山泉距縣西南二十五里  
出南宮保土中蔭泉三長二里半西北流入汶 盧  
家莊泉距縣西南二十五里長八十步入牛王山泉  
轉流入汶 韓家港泉距縣西南十五里出土中長  
一里西北流入汶 郭娘錦泉出石嶺下世傳郭娘  
濯錦於此距縣西南十四里長二里半西北流入汶

行水金鑑卷之十四  
泉如萬珠噴濺蔭泉十九仰出地中者無數入其境  
可以忘世為萊蕪諸泉之最 片錦泉距縣西南十  
四里長三百二十步水盛北流入汶 坡草泉距縣  
西南五里出汶南保土中長一里半北流入汶 遼  
馬河泉距縣東三里長二里半南流入汶 小龍灣  
泉距縣東北五十五里出蒼山保小嶺下土中曲折  
如龍故名長一里至嘶馬河入汶 大龍灣泉距縣  
東北四十里水微細長一里至嘶馬河入汶 烏江  
岸泉距縣北二十五里出垂楊保沙中長二里西南  
會鎮里等泉至嘶馬河入汶蔭泉二 北海眼泉距  
縣北二十五里長半里水盛入烏江岸泉轉至嘶馬

河入汶 垂楊泉距縣北二十七里長一里水盛入  
烏江岸泉至嘶馬河入汶 鎮里泉距縣西北二十  
八里出鎮里保平地石縫中長十里上源水微下流  
水盛西南流至嘶馬河轉入汶 青橋泉距縣西北  
二十五里水茂盛長半里入鎮里泉至嘶馬河轉入  
汶 西碧泉離城西北二十五里半水微細長一里  
入鎮里泉至嘶馬河入汶 龍興泉距縣西北十五  
里出垂楊保沙中長十四里水微細至嘶馬河入汶  
已上諸泉入嘶馬河轉入汶  
北夾溝泉距縣北三十三里長半里入水河泉今枯  
水河泉距縣西北三十三里出垂楊保土中長十

行水金鑑卷八十四  
三一  
一里水微細至泰安州會河入汶 沙灣泉距縣西北三十四里長二里半水微細至泰安州會河入汶 助沙泉距縣西北三十五里長一里水微細至泰安州會河入汶 李家灣泉距縣西北五十八里長半里水盛至泰安州會河入汶 涼坡泉距縣北六十里出雪野保長一里入薛家莊泉至泰安州會河入汶 薛家莊泉距縣北六十里出雪野保長一里水盛至泰安州會河入汶 黑龍泉距縣西北六十一里長半里水盛至泰安州會河入汶 老龍泉距縣西北六十二里水盛長一里至泰安州會河入汶 新興泉距縣西北三十五里出新興保長十里會

魚池等泉西流二十五里至泰安州會河入汶 魚池泉距縣西北四十五里出舊寨保長三里水盛下流會新興至泰安州會河入汶 星坡泉距縣西北六十里長十里水微細至泰安州鯉魚溝入汶 大龍泉距縣西北五十里長一里水盛至泰安州會河入汶 已上諸泉入泰安州會河入汶 萊蕪古泉三十五眼額設泉夫一百二十名後緣枯淤僅存二十五泉而夫亦隨減存九十名近陸續搜復古泉十處又增新開泉十一處通共泉源四十六而夫少疏濬竭廢所宜按泉添夫者也 泰安州 晉葛云春秋之博邑也隋為汶陽博城二縣地唐曰秦州宋為奉符縣金升泰安州至於今不改屬濟南府山有秦岱水有汶河泉源六

行水金鑑卷八十四  
三一



十餘處而州之疆域北歷城南寧陽泗水東萊蕪蒙陰新泰在其東南肥城在其西北 鳳凰泉距州東四十里

地名郭家莊出土中入汶 清泉距州東三十里出

王莊土中入汶 鐵佛堂泉距州東三十里地名侯

家店出土中長二十里入沙河六里轉入汶 周家

灣泉距州東二十五里地名栗林莊出土中入沙河

六里轉入汶 皂泥溝泉距州東五十里地名喬家

莊出土中西南流入汶 風雨泉距州東三十里出

土中長六里入汶 已上諸泉南入汶

范家灣泉距州東五十里出土中長八里西南流入

汶 鯉魚溝泉距州東五十里出新店莊土中長一

里西南流會范家灣泉又西南轉入汶 大興橋泉

距州東六十里出土中長二十里入汶 板橋灣泉

距州東六十里出板橋灣土中長八里西南入汶

雲潭泉距州東五十里出沙中長二里入汶 已上

諸泉南入汶

北滾泉距州東六十里地名嶠谷莊出沙土中長五

里入汶 順河泉距州東六十里出石縫中長二里

小泉同會北流六里入汶 會泉距州東六十里出

沙中長七里入沙河轉入汶 搬到井泉距州東六

十里出沙中入沙河轉入汶 坡里泉距州東北六

十里係沙泉出井中數步會前泉入沙河轉入汶

已上諸泉由沙河北入汶

明堂泉即謝過泉距州東北十五里出沙中長二十  
 五里入泮河轉入汶 金星泉距州西南一里出沙  
 中會廣生泉轉入泮河 廣生泉距州西北二里出  
 石中入泮河轉入汶 張家泉距州南八里出南村  
 保沙土中入泮河 木頭溝泉距州南十二里係泥  
 泉入泮河轉入汶 龍灣泉距州南二十五里係沙  
 泉入泮河轉入汶 馬兒溝泉距州東南三十出舊  
 縣保土中廢泉四南流五里入泮又東南三里入汶  
 梁子溝泉距州南三十里係泥泉合明堂泉入泮  
 轉入汶 梁家泉距州南三十里出高坡土中東南  
 流入汶 已上諸泉由泮河轉入汶

吳山溝泉距州東南四十五里出崔家莊山溝中西  
 流入汶 滄浪溝泉距州東南五十里出潦泊店山  
 根下西流入汶 顏謝泉訛為言謝距州南六十里  
 出顏謝村沙中南流入汶 西顏謝泉距州南五十  
 里出土中入顏謝泉轉入汶 白土涯泉距州南七  
 十里出沙中入汶 已上近山諸泉入汶  
 龍堂泉距州南七十里地名香城保出沙中南流五  
 里入小汶 香城泉距州南七十里出土中入小汶  
 良甫泉距州東南八十里出沙中入小汶 韓家  
 莊泉距州南一百里地名山陰保石泉出土中北流  
 入小汶 皮狐泉距州東南九十里出沙中入小汶

水坡泉距州東南一百里出土中西北流入小汶  
石縫泉即新莊石縫泉距州東南一百里出土中  
入小汶 西柳泉又名二柳泉距州東南一百里係  
沙泉地名樓底集東西二柳俱出石縫中西北合流  
數步會小柳又十二里轉入小汶 東柳泉又名神  
泉距州東南一百里入西柳泉 小柳泉距州東南  
一百里出沙中入西柳泉轉入小汶 海旺泉距州  
東南一百里出土中入西柳泉轉入小汶 黑虎泉  
距州東南一百里係沙泉入西柳泉轉入小汶 力  
溝泉距州東南一百里係沙泉地名力里村出土中  
入小汶 羊舍泉距州東南一百里地名羊舍村出

石縫中西南流入汶 新興泉距州東南九十里出  
土中入小汶 水泉距州東南八十里出土中入羊  
舍泉下源轉入小汶 已上諸泉俱由小汶轉入大  
汶  
斜溝泉距州東南一百二十里地名汶西村出土中  
西南流三里入小汶 濁河泉距州東南一百里地  
名泉河集出平地石縫中廢泉二西北流十五里入  
小汶又七十里入汶 真溝泉距州東南一百里出  
土中入濁河泉轉入小汶 鬪泉距州東南一百里  
係石泉入真溝泉轉入小汶 已上諸泉俱由小汶  
會東南諸泉入汶

行水金鑑卷八十四  
上泉距州西南五十里出石墻村石縫中廢泉一西南流入漕河會馬蹄等泉入濁河四十八里入汶水磨泉距州西南六十里地名西界保出土中入濁河轉入汶 靈應泉距州西南五十里出土中入上泉轉入會河 新查出泉距州西南五十里出土中入上泉轉入會河 臭泉距州西南五十里出撒象莊土中入上泉轉入會河 馬蹄泉距州西南五十里出土中入上泉轉入會河 湖港溝泉距州西南五十五里出侯村土中廢泉一西南一里會上泉轉入會河 狗跑泉距州西南六十里出下張保石縫中入會河轉入汶 小泉一曰噴金西南流四十餘

步會入報恩泉 報恩泉距州西南六十里出報恩寺井中石泉長五十步入狗跑泉轉入會河西南二十餘步會陷灣 陷灣泉距州西南六十里出石寨村土中長一里入狗跑泉轉入會河廢泉二西南流半里會狗跑 已上諸泉俱由濁河轉入汶 龍王泉距州西南一百里出石中入沙河轉入汶 坤溫泉距州西南一百里出沙中入沙河轉入汶 涼泉距州西南一百里出土中入沙河轉入汶 已上三泉極西在渠外入沙河轉入汶 胡家溝泉距州西南六十里出南仇保土中枯涸 馬黃溝泉距州西南九十里出土中入汶

肥城縣 晉最云肥城於周為肥子國漢置肥城縣東隣泰安西接平陰東南為泗水西南為東平北抵長清岱宗峙其左陶牛環其右枕五嶺而面汶河屬 鹹河泉距縣西南五十里在衡魚社沙土中  
南流長二里會吳家等泉廕泉六 董家泉距縣西六十里在衡魚社沙中廕泉三西南流百步會入鹹河泉 臧家泉距縣西六十里在衡魚社沙土中廕泉三西南流百餘步會董家泉 已上三泉會渠至吳家王家二泉長二里五十步 吳家泉距縣西六十里在衡魚社沙土中廕泉七西南流二里會臧家泉 黃家泉一名王家泉距縣西南六十里在衡魚社沙土中廕泉七 已上五泉會渠至開河泉長二里一百五十步

開河泉距縣西南四十五里在衡魚社大劉村土中長六里三十步下源至拖車泉會渠長八里五十步廕泉四 拖車泉距縣西南五十里在衡魚社劉家莊土中長二里三十步下源至馬房泉渠又長十里二十步廕泉四 馬房泉距縣西南五十里出馬房村沙溝中西南長十七里至平陰會渠界又長十二里二十步廕泉一 聖惠泉距縣西四十里出土中接震澤泉 震澤泉在聖惠東出土中接引兌泉引兌泉在聖惠西出土中合聖惠震澤二泉俱入馬房泉 已上諸泉入衡魚河轉流入汶 清泉距縣東南四十里出安寧村沙土中南流入汶

新開泉在六房社劉家村流入清泉河入汶 又  
廢泉一曰陶朱在陶山下從陶山牛山合流成河甚  
沛惜下源數十里散入坡地然志言從古不能開濬  
為廢泉矣

按縣志大清河在縣城西北七十里即濟水故道俗  
呼鹽河以商販魚鹽舟楫不絕故名東北經平陰界  
又北經齊河等縣至利津即東出海矣今泉源內另  
有鹹河泉在衡魚社會諸泉西南流為衡魚河至東  
平州入汶者當以水味鹹鹵為言名同而實異矣

平陰縣蒼巖云禹貢東原底平邑在東原之陰於周為譚子國後屬齊築平  
陰城隋始置平陰縣東至肥城西接東阿東平在其南長清在其北  
屬兗州府 泊頭泉距縣東五十里地名孝直浦迤北出山溝

石中東北流十里餘入衡魚河 新柳泉距縣東南  
二十五里地名柳溝村出高坡沙土中三十里入衡  
魚河會肥城諸泉又南流至官橋歷東平州一百四  
十里入汶 橋口泉在縣東南七里山下西北流至  
縣南河外東遶城周匝西行文十里鋪西南有泉東  
北行至南門外西流與此泉會又東溝水西流亦與  
此泉會形如川字遇秋澄泓一派紋錯如錦色名錦  
川以此皆入大清河為邑八景之一 天井泉在縣  
東二十里山礮石井中泉勢如趵突飛流界道雖旱  
不涸北入大清河為邑八景之一 拔井泉在縣西  
南五十里出九峪山崖經石峽入大清河 馬跑泉

在縣西南五十里赤溝山北崖石竇間入大清河  
按平陰泉東北流由衡魚河入汶者只泊頭新柳二  
泉其餘東南西南諸山出泉有橋石天井拔井馬跑  
泉即濟源發伏俱入大清河不濟運又縣西濟水下  
流南岸有山蹲龍盤石跨礙行舟宋時別鑿新開河  
避之北行而大清河即西北抵東阿縣界三空橋五  
空橋等處東北隣逼漕河不遠宜慎固隄防云

東平州 蒼巖云禹貢東原底平東平之名由此春秋為須句郟鄩宿四附庸  
國北有危鳳諸山東有汶泗諸水南接濟鄆之境西襟會通之河岱

桃雄據於東北安梁角  
峙於西南屬兗州府 高家泉距州東南五十里出蓆橋村

土中在河南涯入蓆河距坎河壩十四里西出口入  
會河 坎河泉距州東南五十里出劉家所山根沙

土中在河北涯入蓆河西出水口甚近廕泉二 鐵  
勾嘴泉去坎河泉六里出西莊村土中在河北涯有  
廕泉一處迤東入蓆河 已上三泉西出口入會河

高莊泉距州東南五十里係石泉在河北涯入蓆  
河 雙鳴泉距州東南五十里出土中在河東涯分  
東西二股入蓆河 單眼泉距州東南五十里出土  
中在河東涯分二股入蓆河 已上三泉相近俱入  
蓆河

卷耳泉距州東五十里出土中在河東崖 半畝泉  
距州東五十里出土中在河南涯 三眼泉距州東  
五十里在河北涯 安宅泉距州東五十里出土中

在河東涯 勝水泉距州東五十里出土中在河北  
涯 安圈泉距州東五十里出蓆橋村土中廢泉二  
在河南涯分東西二流 饒饒泉距州東五十里出  
土中在河東涯 已上七泉相近皆入蓆河  
口頭泉距州東五十里出土中在河東涯 浮問泉  
當為浮汶距州東五十里出土中在河東涯 大  
成泉距州東北五十里在河東涯 徐家泉距州東  
北五十里出土中在河西涯 張貨郎泉距州東北  
五十里出夏雪村土中在河西涯 蔭泉二 已上五  
泉相近皆入蓆河由東出口入會河  
冷河泉即冷和泉距州東五十里出土中分東西二

處入蓆河 蓆橋泉距州東五十里出土中共十六  
處出水為諸廢泉之總領 第二泉泉小出水近  
第三泉泉小出水近 第四泉係石泉甚寬出水頗  
遠 第五泉小路近 第六泉不甚寬出水頗遠  
第七泉不甚寬出水亦遠 第八泉小路近 第九  
泉小路近 第十泉小路近 第十一泉小路近  
第十二泉小路近 第十三泉小路近 第十四泉  
小路近 第十五泉身頗大出水畧遠 第十六泉  
即為本泉下源出水甚近 已上諸泉並流差分遠  
近各入蓆河  
二黃泉距州東北五十里有蔭泉三處為三四五黃



同入蓆河 大黃泉距州東北五十里出土中 王  
老溝泉距州東北五十里出小雪村土中 已上通  
計二十二泉相近皆入蓆河會流  
烈泉距州東北四十里距獨山泉數步會入蓆河  
獨山泉距州東北四十里出套裏村山谷石縫中  
廕泉二東南流長三里會扒頭泉 扒頭泉即芭頭泉  
距獨山三里夾會出山坡石縫中 源泉距芭頭數  
步會入蓆河 郝家泉距州東北四十里出山溝土  
中距源泉三里會入蓆河 净泉距州東北四十里  
出石縫中距郝家泉一里會入蓆河 小王泉即新  
泉距净泉五里自石縫中出 已上七泉俱係山泉

水微渠道或徑入或匯歸蓆河然自蓆橋泉已下俱  
西出口入會河

神漢泉距州東北五十五里出土中 湧泉距州東  
北五十五里出土中 孫泉距州東北五十五里出  
土中 遊龍泉距州東北五十五里出土中 吳家  
泉距州東北五十五里出蒼紅村土中泉身寬大并  
廕泉五出水甚遠 已上五泉相近匯流入蓆河又  
東出口入會河 按出水口者自肥城衡魚河經本  
州官橋蓆橋蓆河又經坎河壩戴村壩南流之會河  
也

汶上縣

管叢云汶上故魯中都戰國屬齊為平陸金置汶陽尋改  
今名左接魯甸右跨梁山背枕四汶面據三湖屬兗州府

龍鬪泉

距縣東北五十里地名陶成出雲尾村土中泉脈鼎沸如兩蚪相擊然故名流一里會下源雞爪泉 薛家溝泉在龍鬪東出土中流一里會下源龍鬪泉老源頭泉在龍鬪東北出土中地名陶成流二里會下源薛家溝泉 雞爪泉在龍鬪泉東一里地名陶成出土中流一里會玲璫泉 玲璫泉即趙家橋泉左右小泉二距龍鬪南三里地名渠村出土中流四里會入坡石橋 灤瀟泉距縣東北五十里出羅山村在坡當地方土中距龍鬪三里流三里十三步自會入坡石橋 以上共六泉以龍鬪為主而渠道則同會入坡石橋西至金龍口又西至崔家橋入汶水

大渠

汶上泉渠自崔家橋經路家橋至張顯橋共二十四里至泊浪橋又七里至軍德橋又經畢家橋何家橋便易橋共二十六里至金龍口此處總謂之魯溝又經張家橋孫家橋大石橋屯橋共二十五里半乃至灤瀟泉又一里半至坡石橋諸泉之所匯入也三里半至楊家橋又一里半至趙家橋左右玲璫泉又一里至雞爪泉又一里至龍鬪泉自灤瀟以下共八里半至龍鬪尚餘三里為龍鬪廢泉二一里至薛家溝泉又二里至老源頭共長九十五里有奇而汶上泉渠止矣上源至下源共長四十一里

馬莊泉距縣東南十八里出馬莊坡土中泉眼二十四處流十五里至城南伏地不見另出水口四里至崔家橋則仍出城北同入前渠道

寧陽縣

會葦云寧陽春秋魯郕邑漢為剛蛇止二縣後復析置寧陽南北朝元魏省蛇止剛二縣入之今縣境內有剛縣城逼近汶水即今堽城也府志云寧陽接泰山南麓城以北多山汶水經其境益以諸水為運道所資屬兗州府

蛇眼泉石口以泉孔如蛇眼故名在縣北門外迤東一里出土中東南流長半里會三里泉等入灤河 日淵泉石口即李家泉在縣北門外迤北三官廟後東南流長半里入古泉會入蛇眼泉 古泉石口距縣北門外迤北一里東流長半里會入蛇眼 廢泉一 三里溝泉土口在縣東門外迤北一里餘出土中新廢小泉四舊廢泉七

南流長二里會蛇眼 井泉石口在縣東門外迤北四十步出土中西南流長三十步會蛇眼會三里溝泉 金馬莊泉距縣東南八里出劉家村土中蔭泉二西南十二里會蛇眼 張家泉土口在城東蒲莊村迤東十二里向西流八里會蛇眼入灤河 廢泉七 已上諸泉俱入灤河 按灤河即縣河歷蛇眼諸泉水南流至府城北三十里入於洗即歸天井開矣 古城泉石口在城南十二里沙莊村出土中長五里西南流十二里會入滋陽縣漕河接濟天井開 魯姑泉以魯姑棄子存姪得名距縣西北二十五里在鶴山之陽出常家村土中西南流六十五里入淵璫

山泉又西會汶上縣龍鬪泉入汶 樂當泉距縣西北三十五里距魯姑十里出蘿山村土中廢泉六西南流三里會汶上縣樂當入蒲灣泊又西二里入龍鬪泉入汶 龍魚泉距縣東北六十里土口出黃家村土中廢泉二十九又王家等泉三十二西流十里會龍港泉 龍港溝泉澄泓一派萬孔沸湧浪花砂礫宛若珠璣雖旱不涸距縣東北五十里出韓家村土中廢泉二十七又小河等二十七西北流三里會龍魚又三里入汶

新電泉距縣東北二十五里出劉家莊土中旱則無水挑濬微津有二眼掘下源可入洗 羅星泉在縣

東北三十五里出殷家堂土中長十五里流入洗河去汶五里以沙阻開入洗便 已上二泉久枯難濬

柳泉土口距縣西十里舊南流十五里入洗至嘉靖初洗水久涸柳泉南入於洗者悉滲於沙不達於漕乃於洗河兩岸東西相對各立一閘大雨時行則閉閘門以防其溢春冬水淺則啓閘門以達其流東會蛇眼等泉羅河合流悉至天井濟運迨明季依前南流入洗至康熙三年仍改東流經城會諸泉以入羅河

泗水縣 晉葛云泗水於周為魯卞邑隋改名東費南鄒西曲阜北泰安縣東有陪尾山泗水發源其下泉源甚多或從地湧或從旁溢夏玉漱金滔滔不竭虎豹競形蛟龍吐沫五步成溪百步成河奔騰萬里終始天地而 聖朝漕運實首賴之縣屬兗州府 泉林寺諸泉

若林距縣東五十里西珍珠豹突東黑虎淘米四泉  
俱出石縫中合流為泗源 珍珠泉北流五步入豹  
突泉 豹突泉一步入黑虎泉 黑虎泉一步入濤  
糜泉即舊誌淘米 淘米泉一步會雪花泉 雪花  
泉出沙中 已上五泉俱在寺龍王廟西一流分支  
又西北半里會繁星等泉同出水口四里至卞橋  
繁星泉出石中西南流五步入白石泉 白石泉出  
沙中二步入蓮花泉 蓮花泉出沙中五步入雙睛  
泉 雙睛泉出沙中 已上四泉亦在寺內龍王廟  
前同出水口五里至卞橋  
甘露泉出沙中西北流五步入甘露新泉 甘露新

泉出沙中半步入西甘露泉 西甘露泉出泥中  
已上三泉並在寺龍王廟前一流分支西流半里會  
珍珠等泉又一里會潘坡等泉同出水口五里至卞  
橋  
淘米泉即濤糜泉以音同致訛出沙中在龍王廟西  
南流二十步入三水泉 三水泉出石中五步入响  
水泉 响水泉出石中十步入醴橋泉 醴橋泉出  
沙中八步半入涓涓泉 涓涓泉出石中五泉一流  
分支南十步入紅石泉 紅石泉出石中十步入新  
開泉 新開泉出泥中九步入琵琶泉又一新開泉  
在醴橋紅石泉之間 琵琶泉出泥中三步入天井

行水金鑑卷八十四  
泉 天井泉出泥中十五步入奎聚泉 奎聚泉出泥中二十步入西奎聚泉 西奎聚泉出泥中二十步入湧珠泉 湧珠泉出沙中 已上諸泉俱在龍王廟西南一流分支源頭諸水南流一里會珍珠等泉一里併會潘坡等泉同出水口五里至卞橋卞莊泉出泥中在泉林寺龍王廟前西北流二十步入三台泉 三台泉出泥中亦在龍王廟前西北流一里入潘坡泉同出水口五里至卞橋 卞橋泉出泥中在龍王廟西南水西北流二里徑入卞橋河二里至卞橋  
潘坡泉即驪珠泉距縣東五十里在潘坡村南出沙

中北流十步入膏湧泉廕泉一 膏湧泉出沙中十步入瑀泉 瑀泉出沙中八步入留思泉 留思泉出沙中五步入石竇泉 石竇泉出石中十步入石液泉 石液泉出石中七步入雙石縫泉 雙石縫泉出石中五步入潘坡新泉 潘坡新泉即石露泉出沙中十步入石壑泉 石壑泉出沙中 已上諸泉一流分支皆在潘坡村南北流四里會湧珠等泉同出水口五里至卞橋 按卞橋金大定十年建去縣四十五里地在泗源南社其聚有三曰石漏村曰卞莊曰潘坡村自珍珠以下有繁星甘露淘米醴橋卞莊卞橋潘坡等各泉頭相距不出南社三聚五里

遠近俱入卞橋會河卞橋一里入泗河也

激雪泉距縣東四十五里在石露村西北出沙中東

北流十五步入大黃陰泉 大黃陰泉出沙中東北

流二十步入小黃陰泉 小黃陰泉出泥中北流十

里入泗 吳老泉距縣東北三十五里在小黃溝村

東出泥中西南流一里入變巧泉 變巧泉出沙中

西流十步入大黃溝泉 大黃溝泉出沙中在大黃

溝村正東西南流六里入小河四里入泗 小黃溝

泉出泥中在大黃溝村正東西南流六里入小河四

里入泗 石井泉出泥中距縣東二十里在李家坡

西北地名蔣家村北流二十步徑入泗 杜家泉出

沙中距縣東十九里在李家坡西北地名漢北社西

北流半里徑入泗 里家泉即李老溝泉距縣東十

八里在林泉村南出泥中西北流半里徑入泗 蔣

家泉距縣東十七里在林泉村南出石中西北流一

里徑入泗 曹家泉距縣東十五里在東巖店東出

石中西北流一里半徑入泗 岳陵泉距縣東北十

六里在岳陵東北出泥中西南流九里入泗 四勝

泉距縣東十四里在東岩店西出泥中十步入趙家

泉 趙家泉水清可愛出石中十步入黃花泉 黃

花泉出石中十七步入合德泉 合德泉有二巨石

在旁明季鑿出與趙家清德相合故名三泉俱一流

行水金鑑卷八十四  
六  
分支距縣東十三里在東岩店西南水西北流一里  
入後東岩石縫等泉下源合一股西北流八十步入  
泗

泰來泉出泥中三十一步入地震泉 地震泉出石  
中五十一步入東岩石縫泉 東岩石縫泉出高坡  
石中十九步入天津泉 天津泉出泥中 已上四  
泉俱一流分支距縣東十四里在東岩店西南水西  
北流一里半入泗

龜尾泉出泥中距縣東十一里在李家莊東北十四  
步入龜陰泉 龜陰泉出沙中俱東北流二里半入  
泗 大鮑村泉出石中地名尚舒村廕泉一北流十

步入小鮑村泉 小鮑村泉出石中十一步入龍澤  
泉 龍澤泉出石中十步入東廕出小泉 東廕出  
小泉出泥中十三步入西廕出小泉 西廕出小泉  
出石中 已上五泉一流分支距城東八里俱在鮑  
村南西北流六里入泗

城南珍珠泉出高坡沙中距縣東南五里在醴泉莊  
南西北流半里入醴泉 醴泉出石中距縣東南四  
里半在醴前村南西北流三里入醴前泉六里半入  
泗 醴前泉距縣東南三里出石中在醴前村迤西  
北流四里入泗 七里泉出土中距縣西三里在湯  
家莊北西北流七里入泗 璧溝泉距縣西十五里



在李白莊南地名中冊社南流十里入泗 大玉溝  
泉距縣西南十二里出土中又出平坡石縫中地名  
玉溝村北流三十六步入小玉溝泉 小玉溝泉出  
土中距天玉溝數步廕泉一二十一步入西廕出小  
泉 西廕出小泉出沙中二十一步入龍震泉 龍  
震泉出沙中十五步入珠澤泉 珠澤泉出沙中  
已上五泉一流分支在南玉溝村東北流八里入  
泗  
馬莊泉出土中距縣西北二十里在馬莊村北西南  
流五里入馬跑泉會河三里入魏莊泉出水口十四  
里入泗 馬跑泉出沙中距縣西北二十五里在柘

溝村東西南流五里入馬莊泉會河三里入魏莊泉  
十四里入泗 魏莊泉出土中距縣西北二十七里  
在魏莊村東南源頭水微中源底漏六里入馬莊馬  
跑兩泉會河九里入泗 三角灣泉出沙中距縣西  
三十里在三角灣村迤南地名仁里西流二里入泗  
西巖石縫泉地名西巖村出平地石縫中距縣西  
南二十五里在葫蘆套迤東西流六里入蘆城泉沙  
河九里入泗 蘆城泉出沙中距縣西南二十三里  
在蘆城村迤東西北流十里入西巖石縫泉沙河七  
里入泗 石河泉出土中距城北七里在城子崖地  
名曲北村出平地石縫中源頭水微二里徑入泗



青泉 柳青泉出土中西流十步會曲溝泉 曲溝泉距縣東南二里在馬跑泉村西北出土中東會茶泉數步與柳青雙泉車輛近達兩觀達泉相去亦各止十步或二十步共匯南流一里出口入沂以下全河備考  
通沂泉距縣東南四里出馬跑泉村東土中西北流一里徑入沂 洙泗河泉距縣東南三里出馬跑泉村西土中南流十步會新泉 新泉出土中地名竹園西南流一百步會曲水詠歸泉 曲水詠歸泉出土中南流二十步會濯纓泉 濯纓泉出土中北流三步會浴沂潺聲泉 浴沂潺聲泉出土中西南流半里同會諸泉入沂

城南新開泉在南關南一里出土中北流一里入海河會文獻泉 文獻泉在城東二步出土中即魯頌思樂泮水二步入海河又西南流三里入沂 溫泉距縣東南十里雖寒沍水常暖即曾點浴處也在張曲村東北出土中廢泉五西流一里會近溫泉 近溫泉距縣東九里在張曲村東北出土中西北流一里會黑虎泉 黑虎泉距縣東南八里出張曲村土中西北流半里會連珠泉 連珠泉距縣東南七里出張曲村北土中西北流六里同諸泉入沂  
青泥泉距縣東南十五里出河頭村西北土中地名萬柳莊西南流五里入沂 埠下泉距縣東北十五

里出句石橋村東土中西南流二里入泗 橫溝泉  
距縣東北十六里出陶樂村北土中西南流三里入  
泗 新安泉距縣北二十五里出泉頭莊東北土中  
西南流十五里入泗 暎安泉距縣西北三十里出  
泉頭莊土中西南流半里會新安泉入泗 城北新  
開泉距縣西北三十里去新安泉四里出柳莊村東  
土中南流十三里入泗 變巧泉距縣西北三十五  
里出姚村南沙中西南流八里入泗 蜈蚣泉距縣  
南二十里出大薛村西南西南流一里會鄒縣鯨眼  
泉入白馬河

滋陽縣

蒼叢云滋陽魯瑕北地曠野平疇無山谿之險獨嵯陽一山童然培  
嶁耳而縣故藉以名宋大觀四年置嵯陽縣明成化間因其地多火

災欲以水壓之故去山添水改名滋陽東曲阜西濟寧南鄒北寧陽顏子  
陋巷在縣前路南小巷湫隘前有勒石即顏子簞食瓢飲處屬兗州府 東北

新泉距縣東北五里出井家林莊地名東隅社渠長  
一里西流會闕黨泉 闕黨泉距縣東北四里古闕  
黨地西流會古溝泉 元對泉距縣東北六里會入  
照星泉 照星泉距縣東北五里半會入惠泉 惠  
泉距縣東北五里半會入既濟泉 既濟泉距縣北  
五里長八十五步會入古溝泉 古溝泉距縣北五  
里長一百五十步會入負瑕泉 負瑕泉距縣北五  
里當以古瑕止得名長三十步會入蔣詡泉廕泉一  
西流會闕黨泉 三義泉距縣東北四里在三義廟  
前長七十步二里會入負瑕泉 上蔣詡泉距縣北

五里在紅花廠西地名紙房長七十步西流會下蔣  
詡泉 下蔣詡泉距縣北五里在紙房廠東長九十  
步南流轉西會西北新泉 西北新泉距縣西北五  
里在郡厲壇東長六步一里會入紙房頭泉 紙房  
頭泉距縣西四里在舊關東長九步三尺右流轉南  
會驛後新泉 驛後新泉距縣西二里渠長一里會  
諸泉至平政橋入濟又十五里至婁閘又二十里至  
杏林閘二十里鋪為濟寧州交界舊入天井閘今會  
入馬場湖濟運

濟寧州

蒼葢云濟寧古任國也唐為濟州元為濟寧路明改為州南控江淮  
北拱畿輔水陸衝途河督建節宿兵於此泗沂汶洸繞境內諸泉  
由之入運無慮百有餘泉而州之蘆溝泉托基泉馬  
陵泉浣筆泉皆徑入於漕此可考而得者屬兗州府蘆溝泉距州東南

七十里出兩城店土中泉頭五長十八里南流入南  
陽閘由磨鎌溝出水濟運 馬陵泉發源馬陵山西  
距州東南六十里東泉頭一西泉頭二長六里西流  
入魯溝閘由龍家橋出水濟運 托基泉泉頭二距  
州五十里出土中長二里西流入棗林閘由龍家橋  
出水 浣筆泉在州城東關外去會通河不數武出  
土中一方池一圓池相傳為唐時李太白浣筆處南  
流由通濟橋徑入運

鄒縣

蒼葢云鄒本春秋小邾國戰國改為鄒後遂以名縣東南接滕西界濟  
寧滋陽北鄰曲阜故邾城在嶧山之陽春秋魯文公十三年邾文公卜  
遷於繹即此孟子暴書臺在南門子思書院西有臺高丈許者是臺西為斷機  
堂相傳即孟子故居有孟母祠孟廟在城南一里墓在四基山之西麓距縣東  
北三十里陳家溝泉距縣北二十里出原蹇社原蹇村平

屬兗州府

地土中西北流三里入白馬泉又五里會馬山孟母  
二泉口十里會崗山屯頭二泉一里至白馬橋三里  
會鱧眼泉口五里至雙橋村五里會新泉程莊泉口  
十里至內官橋五里會黃港泉口三十里至徐鎮橋  
十里至白莊泉口十五里至黃路橋三里至紙房頭  
村五里會淵源泉口七里會柳青勝水二泉口十二  
里至圈裏村方同入泗河轉入魯橋 白馬泉距縣  
北二十里出原寨社原寨村平地土中西北流五里  
會馬山孟母二泉口 馬山泉距縣北三十里出莊  
朱社傅莊村平地土中南流八里會孟母泉四里會  
陳家溝白馬二泉十里會崗山屯頭二泉口一里至

白馬橋 孟母泉距縣北二十五里出公孫社宣村  
平地土中西南流四里會陳家溝白馬二泉十里會  
岡山屯頭二泉口 屯頭泉距縣北二十里出中疇  
社白馬廠平地土中西流二里會崗山泉 崗山泉  
距縣北二十里出中疇社白馬廠村平地土中西南  
流三里入白馬河一里至白馬橋 鱧眼泉距縣北  
三十里出中疇社北貢村平地土中西流五里至楊  
柳橋八里至中疇村五里入白馬會河 黃港泉距  
縣西十八里出故夏社羊廠村平地土中西流五里  
至過卞橋三里入白馬河 已上諸泉俱從白馬河  
出魯橋派

新泉距縣西北三十里出中疇社程家莊平地土中  
南流二里會程莊泉 程莊泉距縣西北三十里出  
中疇社程家莊平地土中東南流八里至稻屯橋七  
里入白馬會河十五里至內官橋轉出魯橋 白莊  
泉距縣南三十里出莊朱社白莊村平地土中地名  
川牛坡西南流五里至雙村七里至面房橋八里入  
白馬河十五里至黃路橋三里至紙房頭五里會淵  
源泉口 淵源泉距縣西南七十里出安侯社鐵脚  
山下平地土中水深十餘丈浩瀚無底西北流四里  
入白馬河七里至柳青勝水二泉口 柳青泉距縣  
西南七十五里出薄梁社鄭老軍橋平地土中西流

八里入白馬河十二里入圈裏村入泗河 勝水泉  
距縣西南八十里在薄梁社朝陽村源出自忝白山  
半腰石縫中西北流至黃曲村四里至鎮頭村六里  
入柳青泉八里入白馬會河十二里至圈裏村入泗  
河以上諸泉俱經白馬河入泗轉入魯橋 三角灣  
泉距縣西南八十里出薄梁社倉山坡平地土中廢  
泉七西流八里至兩川橋入泗轉入魯橋

魚臺縣 管嚴云魚為古崇邑春秋隱公五年公矢魚於棠即此今縣北十二里有高埠名觀魚臺唐因以名縣東滕西金鄉南至江南之豐邑北濟寧入運之泉二十處其泉流所出隨地異名實皆鳧山之麓也合為三溝逕南陽湖入運鳧山即魯頌所云保有鳧繹者是在縣東北七十里雙峰聳翠狀若鳧翔故名山南有呂公洞洞有丹井其水冬溫夏涼大旱不竭下有西龍泉又南為廟前泉又下為東龍泉鳧山之右為黃山黃良等九泉出焉黃山之後為雲寨山聖母池等六大泉並六小泉出焉黃山濼河錯落又有東西龍泉映帶左右湖山佳勝為一邑之最屬兗州府 黃良泉距縣

東北四十里出黃山下土中東西長八十五丈至三  
岔河共會一股 廟前泉距縣東北四十里在黃良  
南出土中東西長九十丈至三岔河共會一股 河  
頭泉距縣東北四十里在黃良東出土中東西長一  
百七十二丈至三岔河共會一股 陳家泉中溢泉  
距縣東北四十里黃山土中東西長一百五十丈至  
三岔河共會一股 高家東泉高家西泉距縣東北  
四十里黃山土泉東西長一百十五步至三岔河共  
會一股 滕家泉勝水泉距縣東北四十里黃山土  
泉東西長一百二十丈至三岔河共會一股 已上  
九泉皆由三岔河會流由新開河入運南流八里至

南陽開蓄濟

聖母池泉距縣東北六十里寨裏集係土泉石鑲池  
岸南北長二百七十丈至張家橋共會一股 西龍  
泉距縣東北六十里寨裏集土中湧自石竇為池南  
北長二百三十丈至張家橋長十五里 有本泉距  
縣東北六十里寨裏集土中南北長一百七十五丈  
至張家橋長十五里 聖裔泉距縣東北六十里寨  
裏集土泉南北長二百二十丈至張家橋共會一股  
源流長十五里 小龍泉距縣東北六十里寨裏集  
土泉南北長一百八十五丈至張家橋共會一股源  
流長十五里 陸小泉距縣東北六十里寨裏集土



行水金鑑卷八十五  
泉南北長二百四十五丈至張家橋共會一股源長十五里。已上六泉俱會趙家口入運南流五里至利建閘蓄濟

東龍泉距縣東北九十里出池頭集沙土中石鑲泉岸四時不竭不溢遇旱禱雨即應西南會平山泉平山泉距縣東北九十里池頭集土泉南北長一千八百二十丈至集泉橋共會一股。何家源泉距縣東北九十里池頭集土泉南北長二千一百四十丈三尺至集泉橋共會一股上下源長二十五里。廉家潭泉距縣東北九十里池頭集土泉東西長一千四百四十丈至集泉橋共會一股源流長二十五里

傲古泉距縣九十里池頭集土泉南北長一千八百一十二丈五尺至集泉橋共會一股源長二十五里。已上五泉俱由獨山湖張家閘入運南流二里至邢家閘蓄濟

滕縣

蒼巖云滕為小邾地今幅員二百餘里東隣嶧費二縣西接魚臺徐沛在其南鄒泗在其北屬兗州府

北石橋泉距

縣北二十五里出柳泉莊土中二十里入小白橋沙河共四十里入耿武莊河。凉水泉距縣西北二十五里出孫家莊土中十二里入驛莊泉共三十里入耿武莊湖。驛莊泉距縣西北二十五里出嶧莊村土中十里會凉水泉二十五里入耿武莊湖。大鳥泉一作大泉距縣西北三十五里出大烏集土中五

里會驛莊泉二十五里入耿武莊湖 三里橋泉距縣北三里出蕭家莊土中十二里會七里泉上源至下源出水口五十五里會入耿武莊湖 七里泉距縣北十里出張家莊土中十五里入三里泉共五十里入耿武莊湖出滿家口濟運 已上諸泉北路流入耿武莊湖

趵突泉距縣東十五里出梁上村土中一里會入五花泉共七十里入姚家口濟運 荆溝泉距縣東十五里出絞溝村土中一里會入五花泉五里入東荆溝會河共七十里入姚家口 五花泉距縣東十二里出小宮村土中半里會入大沸泉共七十里入姚

家口濟運 大沸泉距縣東十二里出小宮村土中五十里入絞溝泉會河七十里入姚家口濟運 小沸泉距縣東十二里出小宮村土中五十里入絞溝泉會河共七十里入姚家口濟運 絞溝泉距縣西南二十五里出絞溝村土中一里入西荆溝泉會河共二十五里入姚家口濟運 西荆溝泉距縣西南二十五里出絞溝村土中五里入東荆溝會河共二十五里入姚家口濟運 趙溝泉距縣西南八里出赤續社趙溝莊久枯無水 劉溝泉距縣西八里出趙溝莊流三里會趙溝等泉上源至下源久枯無水 已上從東至西近縣諸泉皆會趙溝入姚家口

南石橋泉距縣東南四十里出鄭莊土中五里入雙  
泉會河三十里至鮎魚弦濟運 雙泉距縣南四十  
里出白家樓土中三十里入鮎魚弦濟運 玉花泉  
距縣東南三十五里出魏莊土中一里入魏莊泉會  
河共七十里入劉昌莊 魏莊泉距縣東南三十五  
里出魏莊村土中共七十里入劉昌莊 黃溝泉距  
縣東南七十里出黃家莊土中八里入白山泉會河  
共十八里入劉昌莊濟運 白山泉即柏山泉距縣  
南七十里出白山坡土中二里入馬蹄泉會河共六  
里入劉昌莊濟運 馬蹄泉距縣南七十里出白山  
坡土中一里入白山泉會河共五里入劉昌莊濟運

已上諸泉又南入劉昌莊

三山泉距縣東南四十里出羊莊村土中一里會入  
蕊珠泉共六十里入彭口濟運 蕊珠泉距縣東南  
四十里出羊莊村土中四十里入溫水泉會河共六  
十里入彭口濟運 大勝泉距縣東南四十里出羊  
莊村土中一里入二山泉會河共六十里入彭口濟  
運 雙勝泉距縣東南四十里出羊莊村土中一里  
入蕊珠泉會河共六十里入彭口濟運 溫水泉距  
縣南七十里出匡山下土中一里入西倉橋沙河共  
三十里入彭口濟運 龍灣泉又名泥溝泉距縣南  
七十里出臨城社種家樓土中五里入中山店沙河

共十二里入彭口濟運 黃家泉距縣東南七十里  
出黃山石縫中八里入洪家林會河共二十里入彭  
口濟運 已上諸泉入彭口

燦星泉距縣南九十里出張阿莊土中三里入運河  
三界灣泉距縣一百九十里出微山石縫中流一  
里入微山湖濟運

嶧縣 舊最云嶧古鄆國春秋時屬楚為蘭陵說文諸山絡繹相屬曰繹環嶧皆山故金於此置嶧州明初改為縣東沂東南邳西南徐西沛西北

滕東北費屬兗州府 滄浪泉距縣西北八里即滄浪淵出車梢山下

長一百二十六步至許池泉一里會入許池石室泉  
東南流至泥溝西分兩道一西南五十五里至丁廟  
閘一東南五十里至大泛口入運 許池泉距縣西

北十里嶺阜下突出五泉曰珍珠曰鍋曰篩曰金花  
曰灰唯灰泉稍濁餘皆清澈可鑿鬚眉南會滄浪石  
室二泉東南流至泥溝而伯王山泉自西北來會同  
出大泛口今建石壩於泥溝過之由馬蘭屯出針鈎  
口又於馬蘭屯築土壩過水向西行以濟丁廟閘  
石室泉距縣八里去許由泉三十里長半里流至泥  
溝西分兩道一至丁廟閘一至大泛口入運  
許由泉距縣西北四十里以堯讓許由于沛澤得名  
出陳郝集沙中廕泉二舊西南會溫泉幸流入滕縣  
百中河至留城自開新河入呂孟湖今開泇河後流  
至滕境西倉橋會彭口入運 搬井泉距縣西北六

十里出車級村土中舊二十五里由滕縣西倉橋四十里入儼山河今開泇河後亦由彭口入運 溫泉水距縣西北五十里出石溝營土中舊由西北五十里會搬井泉今開泇河後亦由彭口入運 牛山泉距縣西南三十里流至德勝開入運 巫山泉距縣東南四十五里南流侯遷開入運 侯孟泉距縣西南五十里東北流至張莊入運 龍王泉出黃止山東南遠西北流二十五里會許池泉今開泇河後至萬年莊開入運

蒙陰縣 蒼葢云蒙陰古潁東國以其在蒙山之陰漢於此置蒙陰縣東接沂水西接新泰南至費北抵益都屬青州府 官橋泉距縣北一百里出立山社沙中南流十五里入新泰

縣汶河 卞橋泉去官橋十里出土中西流至寨子村口入汶是為南汶 海眼泉距縣北一百十里斜山社水流百步入萊蕪縣汶河濟運 葛溝泉距縣北一百十五里清平社水流十步入萊蕪縣汶河濟運從高峪鋪稍南入運 伏牛峪泉距縣西北十八里出方山社山如伏牛泉出其下南流百餘步入小汶又六十里入沂又百三十里入邳州漕河 泉河泉距縣西北二十里出泉河社舊名合泉從地湧出十餘泓北流入小汶又五十里入沂 順德泉距縣東北七十里安平鄉南流入小汶 以上俱山東全河備考

山東自兗達於濟南地勢最高諸山蟠蜿宛如人身

之脊骨泰山峙於東宛如昂首諸泉淳發或自山趾  
或自平地或自石罅初只七十二泉時堙時闢今增  
至二百四十要不過舉大凡耳數實加倍不止也土  
厚氣盛泉亦如之我明因元之舊溝通舟楫此乃天  
地大運所關夫豈偶然 沂州有陂周圍百里每春  
雨魚鼈生焉至秋水一夕悉陷有聲聞數十里名為  
漏陂村人具車乘競拾魚鼈輦載而歸 泗源即漏  
陂所溢也陂在泗水縣陪尾山之西界接沂州方陷  
時水俱涸其聲如雷故一名雷澤山之下有泉林寺  
左右出泉夾寺環之一匝寺右為山之西面泗淵之  
泉出焉初出分為四故名常有澤中器物流出其狀

為石洞洞門高二尺許其水瀆瀑沸騰匯為池折而  
西流趵突之泉出焉由洞門直瀉埒石竇而大又流  
而西玉波之泉出焉為渠悠然長邁其清見底水中  
小石平布日光射之如繪如織過寺之左泉出乎地  
或三或兩布如列星各為一溪更相灌注大木千章  
輪囷離奇凡三里抵卞橋古有卞縣姑蔑之水經於  
其間上下數十里泉石最奇達於曲阜逕孔林北西  
流至濟南府東分而西北與沂水合又西至泗水縣  
城東復合其自曲阜分流經孔林復西南合於沂者  
曰洙實一水會諸泉入漕者也 沂水之源有二一出曲阜尼山  
之麓在縣東南六十里合於泗  
一出文山  
合於汶 汶水一出新泰縣東四十里者曰小汶河合

南師諸泉西至泰安州一出萊蕪縣之寨子村納海  
眼諸泉一出原山之陽納木河諸泉並會于泰安州  
泰安之水出仙臺嶺至靜村鎮合萊蕪之汶曰大汶  
西南流受泮水又西與新泰之小汶合是為入濟之  
汶達于寧陽東平逼於戴村壩南流至汶上縣城東  
北二十五里受灤當諸泉為魯溝又西南流城北二  
里受蒲泊為草橋河又十里為白馬河又二十里為  
鶯河又十五里為黑馬溝至南旺分注南北漕河其  
曰泲水乃汶之支流自寧陽而分會蛇眼諸泉又西  
南流至濟寧州 濟水在兗州府滋陽縣城東五里  
即泗水下流由曲阜分流入境達於濟寧者蓋諸家

之說如此然濟水伏流時出地上原無定體定形故  
汶泗皆有源有委而濟獨無可以概見乃萬兩溪謂  
泰山諸泉皆濟水所沸匯于汶則東省之水惟有一  
濟汶反為下流而據滋陽之說則濟又為汶之下流  
矣考濟水禹貢導泲水東流為濟又東北會于汶又  
北東入于海今在汶上縣北一名大清河即汶水入  
濟之道水經濟水故瀆又北合洪水註云洪水上承  
鉅野又北經闕鄉與濟合則前說為是

湧幢小品前明劉  
珣修大小清河碑記  
云濟青之區有河曰大濟曰小濟小濟之源出於歷城之趵突泉中匯清源孝  
婦諸水東北抵東安高家港達於海大濟則濟水渠也自東阿之張秋東北抵  
利津區國鹽場達於海此言大小清河源流甚為簡明合之胡拙明閻百詩之  
言便可瞭然於心目矣胡閻說見前 又按山東通志濟水在汶上縣北一  
名大清河禹貢濟水東出於陶止北又東至於荷又東北會於汶又北東入於  
海酈道元謂濟水當王莽之世川瀆枯竭不與昔同宋蔡沈謂今歷下凡發地

行水金鑑卷八十五  
皆是流水世謂濟水經流其下然則今濟水伏流不見惟汶水由濟之故道入海其實發於岱陰諸山者皆濟水既伏而見也予以山東諸泉附於濟水之後者蓋據此云

張純廢泉論曰泉之資於漕大矣而亦有不必用者如蒙沂之泉所以濟邳河然自塞孫家口黃河悉由徐呂至邳則邳無資於泉也是以弘治中巡撫徐公源議棄此泉并失省之蒙沂之民至今利焉滕嶧魚之泉所以出沙河而并及二洪然自鑿新河諸泉雖由呂孟等湖入運而湖波浩蕩自有餘濟則滕嶧魚之泉有可也無可也停夫以寬民非與然河之遷徙靡常姑自我朝論之嘉靖十三年水行趙皮寨穀亭流斷二洪告涸向非天助其順自衝夏邑以出小浮

橋則人力如之何哉十九年決雞鳴岡由渦經亳以入淮二洪又涸向非王公以旂力開李景高口則二洪幾不濟矣然猶幸其可以智力成則人亦天也今所恃者天耳萬有不測甚而人力無所施則二洪涸安得不賴滕嶧魚之泉乎邳河澀又安得不賴蒙沂之泉乎是不可不預待也又胡瓚議廣泉源畧曰夫所貴乎泉者謂其濟運也若冬春枯澀夏秋暴長無為貴泉矣近據所閱新泰諸泉皆此類也訪得蒙陰廢泉如官橋卞莊二泉下流俱入汶河夫非漕渠涓滴之助愚以為勞力於無源之水莫若施功於有用之泉况其故道可尋因舊為易或者以為復泉仍須



復夫查該縣原額泉夫百五十名自弘治十四年暫  
議停役今經百年所省當二萬計何莫非王土而困  
此兩郡民乎合無將前項廢泉亟為修濬量復人夫  
仍以附近新泰泉官督之便又張克文新泉序曰國  
家輓東南數百萬粟漕流達於京都南旺其襟喉而  
泉源其血脈也舊泉凡二百二十有六分濟南北前  
人之計周矣文奉命兼理之明年壬申遍歷諸泉其  
曲徑危梁不能輿者躡履從之務窮其源凡舊泉所  
出悉按圖治之矣顧圖所不載者歷州縣有之召父  
老問故曰泉豈有窮夫則有限如開一泉必增數夫  
故使者不及睹有司不以告余因進諸長吏而矢之

必不以泉益夫以水困民也惟取盈於舊額蠲其遠  
役而調停焉如是而民心悅遂報新泉三十六處併  
而入河計所助之利視昔亦加多或曰新泉中有甚  
微細者顧亦取而濬之而記之何抑不見聞乎水涸  
舟膠既障之板又從而固之加蓆草焉懼其涓滴不  
為用也夫已涓滴而塞其流不涓滴而導其源可乎  
矧今不紀後將何稽并叙其說如此歷觀前人之論  
泉之所係重矣而酌其緩急則分水天井魯橋之派  
尤屬漕河命脈每歲春夏宜嚴督官夫疏濬庶克有  
濟至于山泉沙磧頗多汶河每為淤墊須於大挑之  
期一併挑濬使泉流無阻名曰理白河其各處泉源

必於三四月查挑貴及時而用之也乃自泉夫裁而挑濬無人泉為之壅矣且蔭泉宜多植柳斯溝渠得以遮蔽盛夏烈日水不消耗尤需人培護之夫開河千里所藉以利漕者惟此十七州縣之泉源屈曲灌注而後為我用苟以裁夫而致壅塞則病漕之害豈區區役食所能較其輕重耶是泉夫之宜復有不待再計而決者

山東全河備考

聖祖仁皇帝康熙二十三年十一月十六日

駕自費縣至泗水東境經泉林寺

駐蹕觀泉

御製泉林記曰朕被服至道誦法孔子於詩書簡冊之

中羹牆載見如聞其言論而接其聲容者匪伊朝夕矣嘗以不得一登闕里之堂觀其車服禮器山川風物慨然至聖之音徽每低徊於中而不能自己迺者在廷之臣咸謂古者天子巡省方岳觀察民俗朕俞其請因念岱宗在望于邁魯郊夙昔所懷今茲可慰歲之冬月輿衛北還抵於泗水東境距其縣治五十里陪尾山之陽衆泉出焉石竇哈呀清流蕩滴下合沂泗遠波悠然相傳為子在川上處云苟有古寺厥名泉林坡陁幽曠樹木茂密雖古今異時陵谷不改去聖人之居如此其近意者當日杖履所經周覽原泉默契道體喟然發水哉之歎者其即斯地耶於是停驂弭節瞻眺久之恍乎如

行水金鑑卷八十五  
二  
有所得殆移晷而後去也夫天地無終窮流水之出於  
天地者亦無終窮聖人之道川流敦化萬古不息與天  
地流水同其無終窮焉其何能已於予懷耶孔子繫易  
其言天也曰行健言地也曰無疆孟子之言水也曰盈  
科而後進君子之於聖人之道也溯源窮流學水至海  
亦若是焉而已矣朕既幸宮牆親覲至止非遙而又喜  
泉源勝地聖跡所存而得游歷其處也遂為之記

幸魯盛典

卷第八十五

